

ORUVEZE RWOKUWANA

NOTJIRAI SIRO



Mwa tokerwa nawa. Mbina onyũne okukara mba ongurova, nokukurama poruveze ndwi.

² Ami, omuhuka imbwi, tji mba ri mondjira okuya . . . Ami mbari ame kumbu, ame undju ku Muhona. Nu tji mbari mondjira yokuya, Ami mba yakisa o—o oratiyo omuhonge, Mbuti Smith, mbuti omuhoni, (eŋe amuhe mwe mu zuu omuhuka mbwi? Ngamwa pu eŋe?) kombanda po, Ami me kambura kutja opo Ohio. Omundu worive wari ame ndji raere ohunga na ye ama zuvarisa, natja, “Ove wa sere okumuratena,” ku nao.

³ Ami mbe mu zuva, omuhuka mbwi uriri. Nu eye tjiri wari ama hungire ohunga nourunde mbwa u ingana mouye ndinondi, nu eye wari . . . Nu Ami e rundurura okuyenda komurungu kaŋiti, okuza pomurari imbo okuyenda ku warwe, nu e vaza mbo okupuratena ku warwe. Oruveze Ami ndu mbe ya imba, Ami mbari popezu okurongera okumana, tara andakuzu hi wombere okuya kokereka, omuhuka mbwi indu Ami tji mba hiti. Okutja, eŋe tuna onyũne tjinene okukara imba ongurova, nokukarera motjiungura tja Muhona.

⁴ Name hungire ohunga na Mbuti Neville, nombuze eyuva indo rarwe, koserekaze indji, sisi wetu ngwa zapo uriri okuza pu eŋe. Imbo yari, eŋe atuhe matu tjiwa kutja yari uŋe, o Sisi Weaver. Nu meripura ohunga nomurumendu imba, ngu ma papitisiwa ongurova; eye . . . Ami mbe mu papitisa motjizeva itji indu Ami . . . va ŋire okumueta imba mokatempa. Eye wari omukoke, nokangera, neye wari nongurova indjo uriri okuhupa; ozonganga ka zari nombatero okumupa, eye a sokuŋa omuhuka imbo warwe. Nu Ami mba ya ponganda ye nu e roro okuhungira ku ye ohunga nOmasa womberukiro, nu eye a yarukire momambo yemwe uriri, “Ami hina onŋengu yokutja ove u ye kehi omututu wandje.” Eye wa tja, “Ami—Ami hina onŋengu yomuhonge okuya mondjuwo yandje.” Eye wa tja, “OwAmi omurunde.” Posiya wa tja, “Mutengwa, Ami hina okuvanga okuŋa omwano mbwi.” Nokutja Grace Weber, kombanda imba, we ndji twara kehi imbo. Ami mba hita uriri, amba urwa okuza komaongarero; nu imbo indu Ami tje mu kumbire, nu e mu resere Omatjangwa, neye wa yamwa. Tjazumba, eye ka yenene okuyera eke re kombanda, posiya eye a vanga okuyandjasana omake puna omundu auhe. Eye uriri . . . pa tjitwa otjiŋa kaŋi ku ye.

⁵ Nu ngunda mave yandjasana omake, Ami mba muna otjirimunikise tje a ma i kotjiwongo tjozhunguriva, ngu ma

zu. Ami e tja, “Peri nawa, mape ka kara nawa nai”; nu imbo yari ozombura omurongo na hambondatu nda kapita. Nu eye wa katuka okutaara okangera indjo, orure aruhe. Tjinangara eye wa ta. . . Eye ke ya rora okuta kokangera, eye wa kurama omutima nu mbu we mu zepa. Ve mu twire kozombako zomuinyo; eye wa kurama omutima a tu.

⁶ Nu tjazumba Ami mbari ame ripura, komaandero uriri indu ovandu tjaave piti okuyenda, nave imbura, *Indino Jesu We Ya*. Imbo pa tjitwa nao okumana, Eye we ya nu e mu tiza omunamuinyo oure wozombura indjo omurongo na hambondatu. Nu Ami e ripura, “Yari nawa.” Omukazendu ingo ngahino ka tjiwa kutja eye a tjiti nao. Indino, rukwao, eye ngahino atja tjita. Posiya yari nawa vi uriri okukara norupa ndo imbo, *Indino Jesu We Ya*.

⁷ Nambano orukuru kaṭiṭi, Ami—Ami me zeri kutja, otjiṇa tjandje otjinene otjizeu pomaongarero. Ami mbi rikenda tjinene. Omuhuka imbwi, Ami mbari mongendo tjinene, Ami mba i oku—oku ka kumba. Nu Ami—Ami mbiri ponganda, mba kotoka imba. Etundu, mba twara ko Arizona uriri, nu Ami. . . okutja ovanatje veri kosikore. Nu Ami mba kotoka imba uriri oku—oku porimana, okuyenda okukayeva puna Mbuti Wood nombunga yoombuti imba; okuyenda okukayeva, otjivike itji tji ma tji ya. Eṭe matu i ko Kentucky. Nu Ami mbari. . . mbari imo. . . Ami mbe kerimuna a mbe ya meyuva indo—indo Oserekaze Weaver tja ṭire, nu peri nawa uriri kokutja Ami mba yenene okukara imba nokuvatara Mbuti Neville ponḍiro indjo.

⁸ Nu Ami hi kondjo oku. . . Ami hina oku—oku kondja okuhungira tjinene ohunga navyo ko, ove motjiwa, ongondoroka novandu mbe unauna. Orondu, Ami meripura, tjimwe tjoṇa ovivivi okumuna o—o omurumendu poo omukazendu nguunauna aruhe. Ami aruhe eripura, “Ndjambi, ndji ṭizira kokure navyo.” Momunu, imbyo—imbyo vi ngundiparisa ongamburiro oruveze aruhe, ove motjiwa. Ove uriri—ove uriri. . . tjinangara ove—tjinangara ove. . . Ami me tjiwa tjinga mave rire ovakurundu, auhe wetu, eṭe matu ka muna otjiṇa kaṇi tji ma tji ka tjitwa notjiṇa kaṇi tji ma tji tjitwa. Nu Ami me tjiwa oṇa imbyo ovitṭi mavi kara pokuriheka, otja ove pu moyende a morire omukurundu, otjinga mape kara. Posiya Ami meripura kutja tjimwe tjoṇa ovivi, orondu Satana tji ma twa otjikorone komuinyo womundu rive: omurumendu omukurundu poo omukazendu omukurundu omuzeu mongaro, ove momunu. Ami—Ami me zeri kutja Ami hina okuvaza poruveze indo. Ami me zeri kutja Ami omutwaro wandje, me yenene okuutjinda, nu—nu mbi ye poruveze pu me. . . Ami me vanga omuinyo wandje u tuwe otjikorone nOuyere wa Ndjambi: omuungutima We, oukozu, ochange, oupore, nokuurisiwa nOmbepo Ondjapuke.

⁹ Nu Ami. . . tjimwe tjoṇa vyandje tjinene tja tji ndji hihamisa aruhe momuinyo wandje, yari ongaro yomerikendero.

Kokutja indu Ami tji mba mana omasa, indino Ami tji mbi urwa tjinene. Ami mbi kara . . . tjimuna kapena omundu nguna konatja naami, motjiwa, nu—nu eñe amuhe. . . Otji mu ri nao, wina. Nu Ami mba ungurisa okukapitisa etota, motjiwa, nu pe kara navi tjinene oruveze rumwe, nu irira ouzeu ku Ami okuyenena . . . Irira ombameno, nu ndji tjita nao. Nu Ami mbi ya poruveze indino ovikando ovingi kokutja, tjinene novirimunikise imbyo ovingi, ove momunu, vi ya ku ami. Ami mbi tara komundu, E ripura, “Ihi otjirimunikise. Kako, kako, kako, katjo ko. Ii! Katjo?” Momunu? Nu ove kokara nourizemburuka wotjisuta tji tjiya puna imbyo. Okutja tjazumba—okutja tjazumba ove—ove u kumwa. Tjazumba ove okara momeripura, “Osemba, ove wa . . .” Tjazumba ove u kara mombatasaneno notja, “Osemba, nambano, otjikwaye—otjikwaye Ami tji mba tjita? Ka wAmi ingwi, Ami—Ami mbina ozombura omirongo vitano nu Ami hi ya tjitira Muhona otjiña; nu Ami—Ami me rire omukurundu. Nu otjikwaye. . . ? Oo, mbuae.” Tjazumba ove otji u kara mo . . . mbi tu isana kutja “okurimuna ourike.” Oombuti tjiva veñu mbu turi ape motjiwondo tjimwe zemburuka mbi ave isana “ove morimunu ourike.” Pop a hungire ohunga navyo nu Ami e kumwa kutja eye ma heye tjike, nu Ami nai me tjiwa tjiri eye mbya heye. Okutja indino, ove u rimuna momwano imbo, ovyo avi heri owatjiri; oove uriri, ove motjiwa. Momunu, ove motjiwa, oove uriri ngu tjita nao.

¹⁰ Okutja Ami e kondjo okurikarisa omuini kumwi kañiñi nai, nu mbi rongerere o—otjiungura otjinene Ami ku mbina omaundjiro okukara ko tjimanga. Nu tjazumba okutuungira . . . Ami mba sere okuyenda ko New York tjimanga, nu Ami . . . komaongarero ingo, okupaha oruvara. Nu tjazumba okuyenda ko Shreveport, tjazumba e yaruka ko Phoenix. Nu tjazumba okuya koutokero . . . komamuho womukoka mbu haña ehi ra United States. Nu tjazumba mave rongerisire okuyenda komahi omayenda nai, tu ute tjimanga otja pu matu yenene kombunda omautiro wombura, ngahino mEseninarindi, Kozonyanga, otjiña tjimuna itjo; opu matu utire mo Stockholm poo Oslo, natu i ongondoroka mouye, tjinangara matu yenene mouyenda mbwi warwe.

¹¹ Nu nambano Ami mbiri ponganda, tjimuna me suva kañiñi, kokutja mbi yaruke komuhingo mbu mbi kara nu tjimuna mbi kotore omasa. Nu tjinangara ombango ya Muhona, Ami me kotoka Osondaha ndji ma i ya, okuza komamuho okuya mo Kentucky. Nu—nu tjinangara peri nawa, ma tji yorokisa Muhona, nu Mbuti Neville kena okunatja; osemba, Ami me kondjo okukara notjiungura Osondaha ndji ma i yende, tjinangara—tjinangara ombango ya Muhona. Nu tjinangara Eye una ombango tjimuna Mbuti Neville, Ami—Ami me kara mbo. Ii mutengwa, Eye uriri uri otja . . . tjinangara Eye una ombango ohunga navyo tjimuna Mbuti Neville. Ami me zeri kutja Eye

otjeri. Nambano, tara, tjazumba Ami Me tjiwa kutja Ami mbe ya tjimanga, tjinangara ombango ya Muhona, Ami me zapo okuza pu eņe oruveze orusupi.

¹² Nu Ami . . . ozombuze ozondiņi uriri, Ami tjinga mbina otjiņa otjiņi komutima wandje, indino Ami—Ami—Ami merimunu tjimuna Ami me vanga okuvihungira ku eņe momunu, nu eņe tu kare nomawaneno ongondoroka navyo. Nambano, Ami mbina oviņa oviņi, vitano poo hamboumwe mbi vyeere ku ami momayuva omaņi nga zuko. Nu Ami mba ya, omayuva omaņi imba, okukayeva ourupuka imba. Nu Ami tji mbe ya mokuti, nu mba toora otjitjange tjekara nombapira. Momunu? Nambano yari ape ozoiri ozombwa nu momahatenya weyuva, Ami mbe ri yameka komuti porive. Tjinangara Ami hi rarere, Ami mba uta okukumba, nu tjazumba Ami, Muhona e ndji pe otjiņa kaņi, Ami e utu okutjanga omambo tjiwa wavyo, ove momunu. Ove motjiwa kutja Ami me heye tjike; indu ove tji uri ku ove omuini, nu tjazumba ove . . . Tjazumba owAmi ngwi e ya, e vi tjangurura avihe korupa rwombapira. Nu indino indu Ami tji mba isanewa, Ami mbi tupuka e ka toora orupa rwombapira yandje nokuyenda okukatara mu yo nu Ami mbi tare kutja me yenene okuuta vi, ove momunu. Imbyo mbya kara po nai uriri.

¹³ Okutja nambano, Ami me vanga oku, tjinangara ombango ya Muhona, okuhungira uriri . . . Ami me kondjo okutjita . . . okukonda okuisako inĉa, ozombuze ozonene ozonde, ove momunu; pu pe ku kambura ozoiri. Nu Muhona we ndji vatera mbi kare notjiungura otjiwa otjisupi mo Chicago, ongurova ndja zuko imbo, ape ozominute omirongo vitatu. Nomundu worive we ya, a tja, "Ami hi yeripura kutja vyari nu ove, posiya opu wa tjiti!" Okutja ozominute omirongo vitatu, okuza ape kozoiri mbari nohinga, poo ndatu, ove motjiwa. Okutja ngahino Ami me yenene okuhakahana ongurova ndji nu e kara nokuiririra, okuhina okumuņiza orure tjinene.

¹⁴ Ndjambi nge ku sere ondaya. Nandarire ngamwa akuhe Ami ku me i, kamaa pe kara oruveze tjimuna omaturira inga. Oponganda, ponganda opatjate. Nu Ami meņondjenda puna eņundu ra Weaver. Nu puna mbuti ingwi omuhuze omuhoni ngwa ũ, Ami mba kumba puna ye koruveze orusupi ngunda e hiya ya, nu una ngarogombwa. Nu Eye uri Ponganda puna Ndjambi nai, nu avihe vya kapita. Nove wa sere okuyenda mu ngamwa omwano, nu eņe atuhe matu tjiwa imbyo. Okutja eņe . . . Muhona nga suvise ominyo vyawo mohange, nu rimwe romayuva matu undjireko okuwana kEhi ndiri hemandina, ka kuna omitjise, oruhoze, poo onĉiro. Ngandu indi, ngatu ungurire Ombuze ombwa oviņa avihe otja pu matu yenene.

¹⁵ Okuhungira ohunga nombameno, Ami mbari ame kumbu ohunga na yo omuhuka imbwi. Ove otjo tjitavi andakuzu koyari mombameno? Ripurirako uriri. Ombameno orupa rwomahupiro. Imbo pe ndji yandjiparisa indu Ami tje ripura nao. Tjinangara

ove koya kara mombameno, ove otjo kara tjimuna ombopi yopomarapi, ove ko tjo kara nomerimunino. Ka tja pe kara otjiņa okuungurirako. Tjimuna omukazendu nomurumendu, ngahino tji ma vanga okutjita otjiņa kaani, nu mave kondjo okuungura pamwe (tjinene Ovakriste), nu ingo warwe ma vanga... Nu tjazumba indu tji mweya pamwe oku... ove ozuu imbi eye mbya tjita; eye a zuu... Momunu, ombameno tjiri i mu eta popezu pamwe. Nomundu worive u ku raera kutja, “Osemba,” a tja, “ripura nomukazendu ngwa kara kehi yombameno tjinene indu ove tji u hari nawa,” poo “omurumendu wari kehi yombameno kaani indu ove tji u hari nawa. Indino indu avihe tji vya isirwa, tara kutja wari nomunge tjato ohunga na ye. Mbuae, ove uriri...” Momunu, eņe ombameno ya sere okukara po. Ombyo avihe.

¹⁶ Nu ripura uriri, ohunga nomerimunino, tjike andakuzu ove ko yari nangamwa omerimunino, nokuhina omuhiamo poo okuhinotjiņa? Tjike andakuzu kapena okukara omuhiamo oparukaze? Ove komoo kara nomerimunino oparukaze. Momunu? Nu andakuzu ove ko yari nomerimunino, indino tjimwe tjondjiziro yoye ka tja tji kara po. Momunu? Okutja, momunu, oviņa avihe viri nawa uriri mu ngamwa omwano. Okutja, “Ndjambi, tu pao otjari uriri ndinondi tu kuramene vyo,” oumba uri mbo. Tjinangara twa kurama notjari itjo, natu kurama imbo natu tja, “Eņe matu tjiwa kutja indu omuinyo mbwi tji weya komaandero, ovanene mberi komunda imbo warwe eņe ku matu tara okuyenda ko.” Nu nambano, eņe—eņe matu zemburuka kutja oviņa avihe imbi, indji ombameno.

¹⁷ Kokutja, ovandu tjiva ve kondja okutjiukisa ouKriste, kutja “ove wa kutuka kongendo. Otji uri...” Kako, ove ka tjiuri. “Ove wa kutuka kombameno.” Oo, kako! Ove u weza ko ombameno indu ove tji wa rire omuKriste, orondu ove tjimuna wari owondengu-yokehi, ngu kara-nohange-omuņingandu, ngamwa atjihe tji tjari imbo, nokuhina konatja na imbi mbi wa tjiti.

¹⁸ Posiya indu ove tji wa rira omuKriste wa tjiri, oruveze aruhe u ripura, “Ami Me yorokisa Muhona wandje? Tjinangara Ami me zuu okuza ku Ye!” Tji ku twa mombameno, tji ku karisa kangi. Imbyo mbi vi tjita kutja u kare otja tji uri. Okutja kombanda yaavihe, ombameno ondaya. Tjiri komuhingo ove ku mo tara ku yo uriri. Tjiri komuhingo ove ku mo tara ku yo. Momunu? Tjinangara ove motara komunda imbo warwe, pena—pena... Nandarire kutja wa kondo ngamwa otjiņa kourambi, ove ngunda una ominda vivari kutjo, ove momunu. Okutja ove movanga okumuna kominda avihe vari.

¹⁹ Okutja ombameno...Ami me ripura, “Oo mbuae, o... Indji ongee mbameno? Andakuzu Ami mba pandukwa nokuhina ombameno indji.” Osemba, tjinangara Ami hi karere mombameno indji, Ami he tje kara otja Tji mbiri. Ami he tje

rira omuKriste, ngahino. Yari ombameno indji ndji ye ndji eta ku Jesu Kristu. Momunu? Okutja, yari otjina tjondaya ku ami.

²⁰ Okutja indino, otja Paulus pa tja, kutja indu eye wari mombameno poo otjina kaani poo tjarwe, eye wa hungira na Muhona oku—okuisapo okuza pu ye ovikando vitatu. Nu Muhona wa tja, “Saul, Tjandje . . . Paulus, otjari Tjandje opu tjo.”

²¹ Eye wa tja, “Indino, Ami me rihivire oungundi wandje. Indino indu Ami tji mba ngundipara, Ami pu mbina omasa.” Momunu? Opuwo indu tjiiri kombango ya Ndjambi, peri nawa.

²² Nambano, Ami mba hungira na Ye otjikando tjimwe indu tja tji ndji pondo navi tjine, tje ndji twa mondira. Nu Eye we ndji raera, ape ozombura hambondatu poo omurongo nda kapita, Eye wa tja, “Kamaa tji roro okukupa ondira rukwao.” Nu ka pe ya rora okutjitwa nao. Kako, mutengwa; ororo—ororo okurikenda ohunga navyo. Ami mbina omerimunino uriri, posiya Ami me tjiwa tjiri mbo; posiya Ami mbi kawondja komurungu uriri orondu ka tji ndji tirisira rukwao, mbina ondangu onene ku imbyo.

Nambano, Eye a sokutja, “Ka tji mape kara rukwao,” osemba uriri tjimuna, “Ove tji u hina okukara nondira rukwao.”

²³ Okutja okombango Ye kutja tja tjitwa, okutja Ami me u pukata nu e tja, “Okuhepa, Muhona, Ami me kawondja momuhunga imbo.”

²⁴ Nambano, ngatu pete oviuru vyetu katjisupi uriri ko—ko ongumbiro. Pena omaningira ya peke wongumbiro? (Ami me munu ouriyeke mburi imba.) Yera eke roye. Muhona, sera ondaya ku auhe wovanatje voYe.

²⁵ Tate wetu Nguri Meyuru, tjinga matu hungama onunene woYe, Otjihavero otjinamasa tjojari, orondu ete twa ningirwa okuya. Ete tweere otja komaisaneno wa Jesu Kristu. Nu ete tweya puna omerikendero wetu ayehe, nu tu twe kombanda Ye orondu Eye una konatja na ete. Ingo omahekununino omanene ngeripo, okutjiwa kutja Eye una konatja na ete. O Ndjambi omunene Weyuru, Omuute, una konatja na ete, oviutwa vYe. Ete tuna ohange na imbyo, Muhona. Inga omahekununino ngeriwo momayuva inga mu matu hupire, indu tji mape munika aayo mape—mape kara omahekununino ka kuza kotjina tjarwe posiya mEmbo roYe. Indjo oongutukiro yetu, Ongwizikiro yoYe. Nu mOngwizikiro yoYe, Ove wa tja ngatu tjiukise omaningara wetu, nu “Tjinangara ove wa ningire ngamwa otjina mEna Randje, Ami me tjiti.” Nu inga Omakwizikiro ayehe omanene: “Ningira nu ove mopewa. Itja kondundu ndji, ‘Viruka,’ nu oivaiva ko, nu ma i viruka.” Omakwizikiro inga ayehe, nu ete matu yenene okuisa okuza mbo imbi mbi matu ningire uriri.

²⁶ Omake ya yerwa, mave hepa otjina kaani, Muhona. Oove ngu motjiwa ouhepe wa vo; ve pa, Tate. Ami me twa ongumbiro yandje puna indjo ya vo komurungu woYe, eke randje ra yerwa puna ingo wa vo. Imba kombanda otjitiha hi pena,

ouriyeye mburi imba. Oo, ovandu mbenā ongamburiro, ombande mongamburiro, Muhona. . . Tjiri tjimuna otjina kaani Ove tji we ndji sera ondaya natjo, okuyenena okukumbira ovandu mba vere. Apehe, ngamwa apehe, apehe Ami pu me i, otjina kaani okukumbira ovavere. Ndjambi, vatera nai. Ami me kumbu noukahuke kutja Ove motuvatere nomaningira kouriyeye imbwi mbu wa tuwa imba, kovandu mba ningire. Otjari tjoYe nga tji kare kombanda ya wo.

²⁷ Muhona, eṭe twa zuu kutja Sisi Hicks we ya nomukazendu imba, ngwa tuka okuza korive okuyekukumbirwa, nguna okangera; nu mbari ame vanga okutjiwa tjinangara eye ma yenene okumueta okuya ingwi. Ami me kumbu, Ndjambi, kutja Ove u yame omuinyo womundu ngo; vatera. Okasya kandje okaṭi, Mikie, ngwa rara mbenā wa vere nu ma kungu, una oupyu mbwa rondo, mba yesa omuvero uriri. Muhona, Ami—Ami mekambura kutja eṭe twari nongumbiro yongamburiro imbo kutja Ove we u tjaere, nu Ami—Ami—Ami me yandja ondangu ku Ove, mba munu oupyu mbu ma u heruka okuza pomuzandu ngunda Ami a mbi hi ya zapo petuwo.

²⁸ Nambano, Muhona. . . nu okuhepa ku Ove koviṇa imbi avihe. Nambano ya rire otjiungura tjandje okuhungirira kEmbo roYe. Tupao Embo roYe, Muhona. “Embo roYe Owatjiri.” Sera ondaya kominyo vyetu nu u tupe o—o otjari tji matu hepa, kutja eṭe tu yenene okunana okuza mOngwizikiro ya Ndjambi ongurova ndji, mEmbo, okutuṭizira mokutuurungira motjivike atjihe itji; tuvatera. Sera omunane wombongo yetu ondaya, omuinyo imbwi omuvanḁe, omukazendu we, ovanatje ve, ovatarere vombongo, ovaṭize vombwiko, nomundu auhe ngu ma hiti nokupita metuwo indi; tuvatera, Tate. MEṇa ra Jesu Kristu matu ningire ozodaya inḁa. Amen.

²⁹ Nambano, Ami me vanga okuresa okuza potuveze tuvari twomatjangwa ya Muhona. Ami rutenga me vanga okuresa okuza mEmbo rOmapsalme, Epsalme o86. Nu tjazumba Ami me vanga okuresa okuza mOmuyapuke Mateus, ekondwa o16, 1 nga ko 3. Nu Ami me vanga okuresa orupa kaani rwEpsalme indi, kaarihe ko posiya nga kehi ape pezeva o11, ohinga ya ro kaṭi.

³⁰ Nu Ami me vanga okutjivisa imbi, tjinangara Ami me yandja ena kombuze, ngunda Ami ambi hiya zuvarisirako: *Oruveze rwOkuwana nOtjiraisiro*. “Oruveze rwokuwana rwOtjiraisiro,” imbo mape pose aayo ouzeu. *Okuwana* (Momunu?) *Oruveze*, oruveze rwokuwana, imbo otjina peri nai. Nu *Otjiraisiro* tjouruveze ndo rwokuwana.

³¹ Mo—mo mEpsalme, ongumbiro ya David, Epsalme o86.

Puratena ku ami, O MUHONA, ndji zuvira: orondu Ami tjinga ambi ri omusyona nomuhepe.

Yama omuinyo wandje; orondu owAmi omuyapuke: Ove Ndjambi wandje, vatera omukarere woye ngu riyameka ku ove.

Kara notjari naami, O Muhona: orondu Ami me ku ku Ove eyuwa arihe.

Yorokisa omuinyo womukarere woye: orondu ku ove, O Muhona, Ami ku me yameke omuinyo wandje.

Orondu ove, Muhona, oove omuwa, nu u isira; nu una otjari otjingi ku avehe mbu mave ku ku ove.

Puratena, O MUHONA, kongumbiro yandje;...zuwa keraka romerihekeneno wandje.

Meyuwa rouzeu wandje Ami me ku ku ove: orondu ove mo ndji zuvire.

Oo, ka kokuwa nao? “Ove mo ndji zuvire.”

Mokati koomukuru kapena nguri otja ove, O Muhona; nandarire kapena ngamwa oviungura mbi sasanekwa koviungura vyoye.

Oviwana avihe ove mbi wa uta mavi ya okurikotamena ku ove, O Muhona; ove mo eta ondatero kena roye.

Orondu oove omunene, nu u tjita oviṅa ovihimise: ove erike nguri Ndjambi.

Puratena nambano:

Ndji hongwa ondjira yoye, O MUHONA; Ami—Ami mbi wandje mowatjiri woye: hanganisa omutima wandje mbi kare nondira nena roye. (Oruwano! Momunu?)... hanganisa omutima wandje mbi kare nondira nena roye.

³² Ami nai me hungire ohunga nokuwana noruweze rotjiraisiro. Nambano, mekondwa o16 rOmyapuke Mateus:

OvaFarisei puna ovaSaduke wina veere,... okumurora, nopu ve mu ningira kutja e ve raisire otjiraisiro tji ma tji zu keyuru.

Nu Eye wa zirire na tja ku vo, Indu eyuwa tji ra toko, eṅe mu tja, Ami... Maku kara nawa momaukiro womuinyo: orondu evaverwa ra seraere.

Nu menyunguhuka, Kakuna okukara nawa... omaukiro womuinyo kayeri nawa ndinondi: orondu evaverwa ra seraere nu ka kuri nawa. O eṅe ouiriiri, eṅe mu sora okuuka ombuniko yevaverwa; posiya kamu yenene okumangurura oviraisiro vyoruveze mu mu ri?

Muhona nga twe ko ozondaya zotjari Tje komaresero wEmbo ndi.

³³ Nambano, eṅe matu hungire ohunga nokuwana ngwi, oruweze rwokuwana; otjiraisiro tjoruveze rwokuwana. Momunu, Jesu wari imba, momaresero wOmatjangwa inga omasenina, Eye

a viura ovanane mongamburiro mokuhina okuyenena okuuka oruveze poo otjiraisiro tjoruveze. Nambano, itjo aruhe tjari otjiņa otjinene kovandu, momunu, okuyenena okuuka *otjiraisiro tjoruveze ove muuhupira*; orondu Ndjambi wa tjanga oukahuke kokutja ape ha kara omundu ngu ma zupo puvyo.

³⁴ Nambano, kohapo, Ami mbi yaruka nu e ka toora okuza kovahonge varwe, ovakarere varwe va Muhona moruveze rwOmbeipera (tjimuna otjiraisiro moruveze rwa Noah, otjiraisiro moruveze rwa Daniel na—na vyarwe komurungu, oviraisiro pekepeke), posiya Ami me vanga okukapita pu imbyo ongurova ndji oku—okuhina okumana oruveze, mbi yenene. . . Posiya aruhe yari ondjira ya Ndjambi, okuveraisira o—o otjiraisiro tjokuti tjomoruveze, kokutja omundu auhe a tjiwe uriri kutja turi—turi morunge veze. Nu ovaFarisei imba ave sokutjiwa oruveze rwa vo. Ave sokutjiwa kutja yari orange veze. Eye wa tja moruveze rwarwe, “Andakuzu eņe mwe Ndji tjivirwe, atja mu tjiwa eyuva Randje.” Momunu? Pe—pe peri, o—o otjiņa otjinene eņe tji matu zuu. Momunu, “Nokuhina okuzuva!”

³⁵ Imbyo aruhe okaveheyerereko ohunga novaporofete, va tja, “Nu eye a zuu, otja kovirimunikise okuza ku Muhona. Nu Embo ra Muhona ari ya ko—kovaporofete ovakuru.” Momunu, ave zuu okutuurungira mEmbo ra Muhona, movaporofete. Nu tjazumba, ovaporofete ave yandja otjiraisiro. Tjimuna, omurumendu umwe wa rara korupati orure tjinene, tjazumba a tanauka a rara komunda imbo warwe. Omurumendu umwe wa țire okuhukura ozombanda ze. Nu oo, pari noviņa ovingi mbi va tjiata okuraisira otjiraisiro tjaave hupire mo. Nu nai matu tjiwa kutja Ndjambi ngwa uta omayuru nehi, nu—nu okutja wa raisa oviungura vYe kutja Eye ma zengurura oruveze Rwe otja kotjiraisiro, Ndjambi umwe ingo omunamuinyo ndinondi. Okutja eņe twa sere, otjiņa kaani. . . Eņe tjiņa matu munu o—o oruveze mu matu hupire, pa sere okukara otjiņa kaani omundu kumatarere, porive. Momunu? Orondu Ndjambi kamaa yandjere oviņa imbi vi tjitwe nokuhina okuturaisira otjiraisiro otjisoroke, kutja turi, kutja—kutja tu zuve.

³⁶ Nambano otjiņa otjo hi ndinondi, kutja ovanane mongamburiro, katu rese nawa. Peri tjimuna tji pari rukuru, kaave ripura kutja oruveze rwa yenene. Ave—ave ripura kutja ave hupu nawa mohange indino, nokutja kaave paha Messiah. Nu Jesu wa tja Omeero We maye rire “otjerunga outuku,” indu o—indu o ovandu tji ve hina okutjiwa Omeero We. Posiya pari novahandjoze tjiva mba ya okukahakaena na Ye, ohinga ya vo, vari nomaze merambe ra vo nu va rongerere; ave tarere otjiraisiro itjo. Nu Ami ingo ku me hungire ko ongurova ndji, momunu, ku imba mbu mave paha otjiraisiro nai, otjiraisiro tjOmeero We.

³⁷ Oviraisiro imbi mbya raisirwa, ku Muhona, vi raisirwa

kovakambure uriri. Ovahakambure kave roro okuvimuna. Ve wondja kombanda yavyo, nu kave vi munu ko. Nu nai, nu tjiri otja tjinga peri kutja Omuengeli wa Ndjambi ma yenene okukurama imba pondongamo ongurova, otjowatjiri tjinga—tjinga Ami ame tara ku ene, nAmi mapeya me tara ku tjo; poo ove mo tara ku tjo nAmi hina okuyenena okumuna, poo Ami me tara ku tjo nove konokuyenena okumuna. Nambano, ove motjiwa kutja ingo Omatjangwa; imbo Owatjiri okumana. Va muna. . . Ove motjiwa Paulus wa wira pehi, posiya ovo. . . kapena ngwa munine Ondjerera ndjo.

³⁸ Indjo Ondjerera yari imbo indu Johanes tja kuramene imbo komurungu otjimbumba, nomayovi vari imbo pomukuro, ovanane mongamburiro no—novandu ozonongo, ovarumendu vondjinda. Nu Johanes omuini, wa tja, eye wa muna Ombepo ya Ndjambi ndji ma i zire kombanda tjimuna onguti nu a i ya kombanda Ye, nEraka ra tja, “Ingwi Omuna Wandje omusuverwa Ami Mu mbina onyuṇe okuturamo.” Nu kapena omundu ngwe I muna posiya Johanes. Momunu? Yari ku ye uriri.

³⁹ Ove wa muna kutja yari oukahuke vi, otjiraisiro tjomurumendu onongo? Ave tara, pa ri. . . Va ri ovaHeberi. Tjiri kavari ovatare vozonyose va India, vari ovaHeberi; orondu owo vari imbo kombanda mehi indo amave rihongo omatarero wozonyose, ve mane omerihongero wa vo. Nu indu tji vari. . . tara ku Jerusalem, nave tjiwa kutja va muna ozonyose indo ndatu okuza momuhunga-wongwaterno yauhe wa vo—wa vo, ya Ham, Shem, na Jafet, kutja avehe va za komuhoko, uṇe, nu va muna ozonyose momuhunga-wongwaterno ya vo. Itjo tjari otjiraisiro ku vo, kutja indu ozonyose indo tji za kurama moruteto, Messiah wari kombanda ehi.

⁴⁰ Oo, mbuae! Nungwari opu va zire okuya, “Eye Uripi? Eye Uripi ngwa kwatwa otjOmbara yOvajuda? Twa munu Onyose Ye kOutjiri, nu tweya okurikotamena ku Ye. Eye Uripi?” Ovo ave tjiwa kutja okanatje ingo Messiah ka rara porive, orondu Ndjambi we ve pe otjiraisiro tjoruveze, kutja Ndjambi nomundu va wana kumwe. Oruwano rwa tjiri, indu Ndjambi tja wana Omuini morutu rroundu! Ounahepero, ounenenene mu auhe womawaneno nge hi ya rora okutjitwa, yari indu Ndjambi tja wana puna omundu; nu Eye—Eye wa esa ounene woṇinikizire yokurira Ndjambi nu a nyotorora ondanda Ye na rire omundu omunamuinyo, na rire umwe wa vo, okuveyama. Oruwano. Ndwa tjitavi? Ndwa eta ohange pokati ka Ndjambi nomundu ngaaruhe. Eṭe tuna ondangu ndji ṭapi.

⁴¹ Nu oviraisiro kavi hindirwe ko. . . Nambano ripura uriri, omundu auhe, novatare vozonyose avehe; ovandu, momayuva ngo, oiri ya vo yari ozonyose. Pari omundu omutarere ngwai kombanda yo—yoruungu, neye a rondo kombanda imbo nokutarera. Nu eye a munu indu ozonyose tjiva tji zeri mombuniko yorive, tja ze kapita, eye a tjiwa kutja oiri

ongapi. Ove mozemburuka mOmatjangwa, “Oiri ongapi, mundu omutarere?” Nomundu omutarere a kotoka nu e mu raere kutja oiri ongapi. Momunu, ave tarereko oiri kozonyose.

⁴² Nambano, kayari oukumise kutja ozonyose inḁa zari ngarate momuhunga umwe mena rovarumendu vetatu nu kapari ngamwa omundu ngwa muna? Momunu? Yari ngarate momuhunga. Nambano, ove moyenene okukara momuhunga tjinene nOmatjangwa. Momunu? Indu ozonyose inḁo tji ze ya momawaneno, a ze wana kumwe ozeni mombuniko indji, ovarumendu vetatu wina va wana moiri imwe. Nu ove mapeya owana puna Ndjambi, mEmbo Re, ngandu indi oviḁa imbi tji vya rire owatjiri, nove moyenene okuvimuna notjiwa kutja ovyo owatjiri. Momunu? Otjiraisiro tjoruveze! Ove mapeya otara kombanda yavyo, otja, “Ah, oviporoporo!”

⁴³ Posiya ku *ove* kaviporoporo. Ku ove, ove wa wana puna Embo, nu Oro ndi. Tjazumba Ondjerera o—o okumanuka, Mbuti Pat, indu—indu—indu—indu ove tji wa munu otjiraisiro itji okuwana puna omukambure. Nu Ami ku ye ku me tjivisa imbi, okomukambure, orondu omuhakambure kamaa roro okuvimuna. Nu atja ye rira omaviuroro tjiri andakuzu Eye wari kombanda ehi ndinondi, kovanane ovengi vetu mongamburiro ndinondi, mbu ve hina okuyenena okuresa otjiraisiro itji; oviraisiro mbi matu rese eyuva arihe imba pomaturira, nokumuna oviḁa. Nu tjiva mave rese vyo nokumuna omatjangwa kekuma, nu ngunda ovengi ve siririka ro uriri, nu kave munu ko oparukaze. Katjiḁa kuvo oparukaze; kave munu ko.

⁴⁴ Nambano tara, kutja mu imbi, kutja Eye—Eye wa raisa oviraisiro vyoviwaḁa. Nambano, indu tji ve Mu pura ohunga na imbi, ave vanga oviraisiro; nu Eye we ve raisira oviraisiro mbya tjitwa. Nu ave vanga okutjiwa kutja ouye ma u ya komaandero ruḁe, maku kara otjinge raisiro komaandero. Nu Eye we ve raisira motuveze otuingi mOmatjangwa ohunga noviraisiro vyoviwaḁa, ohunga notjiraisiro tjomeyuru momayuru, notjiraisiro tjokombanda ehi; Eye we ve raisira oviraisiro, otjiraisiro, oviraisiro, otjiraisiro atji yarukirepo uriri. Nu indu... Eye we ve raera imbo poruveze rumwe ohunga notjiraisiro tjoviwaḁa. Eye wa tja, “Indu ove tji wa munu oviwaḁa,” momunu, “tji vya utu okuworongana ongondoroka na Jerusalem,” momunu, indino tjandje twa tjiwa kutja oruveze rwouzeu wa vo uri popezu, “indu ove tji wa munu Jerusalem tji tja koverwa kovarwe vovita.”

⁴⁵ Nambano, ngunda ave hiya tjita imbi, Ndjambi...ouye wa sere okuwana. Titus, omunane omunene wa Roma, wa sere okuwanisa ovarwe ve vovita pamwe nu veye pamwe, kombunda ovaJuda imba tjiva humba otjiraisiro Ndjambi-tja yandja tjomoruveze ku vo. Indo ndwa ri oruveze Titus tja wanisa ovarwe ve vovita kumwe, nu eya okuhonaparerapo otjihuro.

Rutenga pa sere okukara omawaneno wovandu va Ndjambi (mbe-isaneva) okupirukira Embo ra Ndjambi, komurungu wa nao otjiwana ma tji wana otjini okupirukira ovandu va Ndjambi. Momunu, o—o—o omawaneno, okuwana; okuwana pamwe.

⁴⁶ Ami me kambura kutja matu hupire moruveze orunene rwokuwana. Ami me twa pehi omarambe inga omaserandu, notjiraise tji ma tji papaiza novina avihe (vyovakazendu, kutja ve tjitavi; novarumendu, kutja ve tjitavi; nozokereka, kutja ze tjitavi), okuraisa kotjimbumba otjiiti ihi, nomutima wandje auhe, kokutja Ami me kambura kutja ete tweya komuhunga wEmbo ra Ndjambi mounene womaporofetero woiri indji, komurungu Omeero wa Muhona Jesu; wokuwana pamwe nokurirongerisa.

⁴⁷ Nambano, ove momunu, ngunda Titus e hiya wanisa otjiwana tjo...tjovarwe ve vovita pamwe, OIsrael tja wana otjini pamwe nave wrongana oveni motjimbumba, kutja kave kamburire ko mu Jesu okurira Messiah. Ve Mu humba, nave Mu ramba, nave Mu papere kotjikoroise. Nu tjazumba, indu tji va humba ondjamo ndja hindwa ku vo, veyo oveni pamwe okuwana ve tjite. Nambano, tizira imbyo mourizemburuka: okuwana oveni pamwe, okuhumba Ombuze yomoruveze! Ave sokutjita nao. Nu indino indu tji va tjita nao, tjazumba otjiraisiro tjoviwana oputjeera.

⁴⁸ Oviwana vya u ta okuwana ovini pamwe, nu Titus wa eta ovarwe vovita imba ovengi va Roma noVangirike nave kovere orumbo rwa Jerusalem, nambano ave pateremo ovandu imbo moukoto, nave kovyoka kokuṭa. Ave ri ovitatu okuza komiti, Josef as omunamakurungi omunene ope tu raera, nave ri omahozu okuza pehi. Ave sumisa ovanatje wovakwao nokurya; momunu, tjinga avari ovandu vovioze. Nu tjazumba indu, korusenina, Titus, eye wa haamene kongotwe kombanda omutumba, popezu na Jerusalem mbo, nu—nu ovandu imbo moukoto ave nangarasi mave tjiti ombango ya Ndjambi, indu tjiva muna imba ovarwe vovita amave wondjo okuhita. Kave vanga okuzuva ku ingo Omuhonge Omunene, Muhona Jesu, eve raera imbyo.

⁴⁹ Kapari na umwe wo vaKriste ngwa kamburwa imo, orondu ovo wa muna otjiraisiro nave i. Momunu? Va tja, “Imba mberi kombanda ondjuwo ave heruka pehi, poo ingwi nguri morupare rovikunwa a yaruka, okambura ko ondjasa ye; posiya tupuka okuyenda ko Judea, nu kumbeye kutja omatoorero wenu a ha rire moruveze rwokupepera poo mEsabata.” Orondu, moruveze rwokupepera, o—o omitumba mavi kara novitutukende; nu meyuva rEsabata, omuvero—omivero vya patwa, omuvero, nu mave kara mongaro ndjo. Momunu? Matu vanga okuya imbo tjimanga ohunga no...kutja Ndjambi u tjita vii ovina imbyo, tjingara ombango ya Muhona.

50 Nambano tara, Eye . . . Va kumba kutja pe kare nao . . . ape ha kara omuhingo imbo, Jesu we ve raera kutja ve kumbire imbyo, nu kave kamburire umwe wavo moukoto imo. Ovo vaya orondu va tara kotjiraisiro, novo vaya; imbyo avihe ombyari po.

51 Oo, ozokereka ndinondi za sere okumuna otjiraisiro tjoruveze mu matu hupire! Tupuka tjimanga otja pu moyenene ku Calvari, kOmuinyo; ka kokereka yorive, posiya ku Jesu Kristu. Ove wana puna Ye omuini, nu ka puna ombongo poo omahongero wokereka yorive. Wana puna Kristu, nu kara a motjiwa kutja onguri Ye. Ove komoo toora otjiņa ngamwa uriri, ove wa sere okutjiwa kutja Eye. Tjiri oruveze rwokuwana!

52 Nambano, eņe twa muna kutja va humba Messiah nu tjazumba ave wana oveni pamwe nave rituku kotjimbumba, nave utu o—o . . . ave twapo ondyero mokati kavo kutja tjinangara ngamwa omundu ngwa yakura Jesu otjOmuporofete, okutja mave rambwa okuza mokereka. Ove mozemburuka omuzandu omupoņa ngwaisirwe nomeho omapoņa? Novahongewa va tja, “Owani ngwa tjiti ourunde? Eye, poo otate we, mama we?”

53 Nu Jesu a tja, “Motjiņa hi, ka ye; nungwari kutja oviungura vya Ndjambi vi tjitwe, vi tjiukwe.”

54 Nove mozemburuka, va tja ihe na ina kaave yenene okuhungira otjiņa. Va tja, “Ave tjiwa kutja ingwi omuzandona wetu, posiya eņe katuna okutjiwa kutja va veruka vi.” Orondu ovaJuda va tja ngamwa omundu ngwe Mu hongonona otjOmuporofete, okutja mave rambwa.

55 Posiya, ove momunu, oviungura vya Ndjambi vyari nai kutja omuzandu ingwi kari okanepo kotjimbumba itjo. Nu eye a tja, “Nambano, otjiņa otjikumise ku ami kutja eņe kamuna okutjiwa kutja Omundu ingwi wa zupi, nu ngunda Eye we ndji pe omeho okumuna.” Momunu? Nambano, eye a tja hungira. Momunu, imbyo vyari oviungura vya Ndjambi. Eye wa verurwa, nu osemba, nu eye porumwe—eye porumwe ma hungire orondu eye kena omerikutiro pamwe na ye okuza ngamwa apehe. Eye ngwari umwe oviungura ku avi tjitirwa, nu eye tjiri wa muna ovyo . . . kotjikando tje otjitenga momuinyo we.

56 Nambano, ovaJuda va wanene oveni okupirukira Jesu no—nokupirukira ouMessiah We, nOmbuze Ye youMessiah. Eņe matu munu otjiņa tjimwe nai tji ma tji tjitwa, otjiņa tjimwe uriri. Oukomunesa ma u wana okunyona okereka, nu omwano umwe uriri pu ma i . . . mburi po kombunda okereka tji ya wana kumwe wina, mOkomitii yozOkereka, Okomitii yozOkereka mOuye, okupataņa nokunyona Ombuze, Embo! Ovo va humba Embo, ozokereka opuza tjita! Kavena okuyakura Ro orondu Ri pirukira omahongero wozokereka za vo ndahanika pekepeke; kutja Otururumo twOmiro tungapi tu matu rekareka mo—mokati kovandu, poo ovandu vengapi mbu . . . oviņa vingapi mbi

mave raererwapo navi tjitwa, noviraisiro avihe ovinene Eye mbya kwizika vyeyuva esenina; kavena okutjita ko.

⁵⁷ Mena ra nao, veri mokuwana oveni nai, nomunane wombongo yoye imba novengi mave ku raere, mbu mave rese, kutja ovo va . . . vena omeerowapamwe mouyeongondoroka wo—wo—wouye. Nu o . . . pena omuhonge woLutheran ku imbyo. Kutja, tjinangara pa kara otjiṭiro, tji tja tjitwa imba povararanganda; tjinangara eṭe katuya wana puna omeerowapamwe mouyeongondoroka inga, indino okereka yetu kamaa irire okereka rukwao, novo mave i ungurisa otjetuwo rokupwikirwamo. Poo umwe woombuti vetu ngu ma munu omundu ngu maṭu poo ngwa hihamwa, nu a roro okuzuvarisa ku ye ngamwa ondaya yOmbepo, eṭe matu yaherwa imbyo; otjiperi okumanuka. Eṭe matu pewa ozombura omurongo mondeko yohoromende mena rokuzuvarisa ngamwa otjiṇa, mena rokutja kaweṭe okaṇepo inga komeerowapamwe mouyeongondoroka. Ove kona okumuna ohako yotjipuka? Momunu? Momunu?

⁵⁸ Nambano, matu munu omeero woruveze rwokuwana. Momunu? Nambano, tarera! Nu indino okereka ya wana oini okupirukira Ombuze; nu indino tji ya tjiti nao, oviwaṇa mavi wana ovini mOkomunesa okunyona okereka rukwao; peri tjimuna tji ya tjita otjikando otjitenga okumanuka uriri. Momunu? Tje riyarurapo otjini rukwao.

⁵⁹ Israel ya sere okuhumba Ombuze rutenga. Nu indu tji va humba Ombuze, indino ovarwe vovita, otjiwaṇa otjinamuinyo tja wana otjini pamwe (yoviwaṇa vyarwe), nu ve ya nokunyona okereka. Nu ndinondi, va humba Ombuze ya Muhona Jesu, nu va humba Yo. Nu nambano, oruveze rwa yenene Okomunesa pu ya utu okuwanisa ouye kumwe okupirukira okereka. Momunu, pa sere okukara omwano imbo. Nambano, ouzeu okutja nao.

⁶⁰ Yari ouzeu kovaJuda okukambura. Va tja, “Nambano indjeye, mbuti, eṭe matu munu kutja—kutja Ndjambi wetu—wetu uri puna eṭe, nokutja matu—matu i mondembeli. Nu nambano matu kumbu, nu tate omuyapuke *Rive-na-rive* na tate omuyapuke *Rive-na-rive* nga hongorerere mongumbiro. Pata omuvero!” Nu Titus wa kara nongurameno ye, nu a kurama imbo ape ure wombura poo kombanda ya nao. Momunu, va rongerere, nu va tjita kutja ve kovyoke. Kape yari umwe wavo nandarire ngwa yenene okupita pendje yotjihuro; novo va ṭa, va kovyokere. Nu indu eye tja hita mo na nyono orumbo, ombinḍu ya tika nai pupu tjimuna onḍonḍu imbo pehi eye pa zepera oviṇa avihe opuvyari imbo.

⁶¹ Nambano, Omuengeli wa Muhona wa porofeta kutja, rukuru mEtestamende Ekuru, wa hungira kutja imbyo mavi tjitwa. Nu imba ovahonge, mba ri ovanane mongamburiro, mbu ave so okutuwa ku imbyo nokuraera ovanu kutja, pendje na imbyo, indu Jesu tja kuramene mokati kavu, kave Mu tjiwa;

noku kondja okutjita o—o . . . tjiva vyorive o—o ombaze-yokapi, “Okutupukisa, ngatu tare kutja mavi tjitwa vi—vi! Tu raisira otjiraisiro.” Momunu?

Nu Eye a tja, “Ami . . .” Ongwaye, Eye wa tjita oviṅa ovingi, nu ngunda kaave munu ko. Momunu? Nu tjazumba indu tji ve Mu humba otja . . . Ombuze yeyuva indo, va humba Ombuze yoruveze indo.

⁶² Kave toṅene okumuna otjiraisiro tjeyuva indo. Notjiraisiro tjo—tjomaporofetero wOmbepera tja tjitwa komurungu wa vo, nave tja, “Ngatu hite mo nai!” Owo vari ovarumendu ovayapuke. Vari ovarumendu ku hina oyenene okutwa eke roye kominyo vyavo. Kave yenene okurira *imbyo*, nu tjazumba—nu tjazumba ave rire o—o—ovapristeri. Omupristeri a zepwa, eye a vetwa nomawe okuṭa mena ra ngamwa okaṅa okaṭiṭi. Okutja eye a sokuhupa omuinyo omukohoke, omuinyo omuyapuke. Eye ka yenene okutjita, orondu eye a vetwa nomawe mena ra ngamwa otjiṅa uriri. Nu nambano vari ovarumendu vondjinda, novarumendu ovayapuke momeho wovandu, nu ngunda va hita moukoto nave tja, “Nambano, eṭe matu . . . Eṭe tuna Ndjambi, Ndjambi Ngwa kara puna eṭe okutuuringira moviwondo avihe. Eṭe matu i mondembeli Ye ondjapuke.” Indjo vari ondembeli ondjapuke ya Ndjambi! Posiya, ove momunu, eye wa humbwa mondembeli Ye ondjapuke. Momunu? “Eṭe matu i mondjuwo ya Muhona. Nambano eṅe amuhe ovaHeberi mamu tjiwa kutja oweṭe otjimbumba tji tja toororwa, eṭe turi, imba. Nu Ndjambi o Ndjambi wetu; Ndjambi wa Abraham, Isak, na Jakob. Eye uri puna eṭe. Eye ngu me tu kutura okuza ku imba ovaFilistine mbe hiya sukarisiwa imbo (otja tji pari), Ovaroma, novaNgirike. Eye me tu kutura okuza ku imbyo. Ngatu hite mondjuwo ya Muhona!”

⁶³ Imbo mape pose nawa; posiya va tjitavi? Omutunge wondjuwo wari moukoto mo, mombuniko yokehi otjomuungure wovipirangi omuGalelea, nu ve Mu humba; indu Ndjambi tje mu raisa mokutja Eye Omuhindwa We womoruveze, nu Orutavi. Nu ve I humba. Okutja ozongumbiro azehe, oukahuke auhe, ozombunguhiro zavo azehe ka ze heye otjiṅa ku Ndjambi. Ovo va otji va tjita! Nu Ndjambi wa yandjera ovarwe vovita imba ve wane okuvenyona.

⁶⁴ Nu ndinondi tumuna, otjokereka okutuuringira mozokereka ṅahaṅika pekepeke na vyarwe komurungu, ze humba Embo ra Ndjambi. Kavena okuvanga kutja ove u ve raere ohunga noviṅa imbi, nu ondjiwo ma i yenene okuraisa noviperendero noviṅa vyarwe kaṅi, nu ngunda kavena okuvanga okukara notjiṅa na Ro. Okutja okomunesa ma i zikama okuinyona, tjimuna Titus pa tjita okumana, nu Ombepera ya tja opu mave tjiti. okumana!

⁶⁵ Nambano, ove momunu pu matu hupire? Oruveze

rwokuwana, indu tji matu munu oviṅa imbi tji mavi wana. Oo, ongwaye tji tu ha toṅa mokumuna oviṅa imbyo? Ove moyenene—ove moyenene okutara imba mOmatjangwa nu omunu imba Eye pa kwizika imbyo, kutja Eye mbi ma tjiti. Nambano, eṭe matu munu tji mavi yeneniṣiwa. Eṭe matu munu mokereka Eye mbya kwizika okutjita; eṭe matu vi munu tji mavi yeneniṣiwa. Eṭe matu munu oviwana tji mavi wana kumwe. Eṭe matu munu omahongero pekepeke tji maye wana kumwe. Eṭe matu munu ozokereka tji maze wana kumwe. Oruveze rwokuwana. Oiri yokuwana. Indjo ombepo yotjiwondo, “Eṭe twa sere okuwana.” Oviṅa avihe mbi mohungire ohunga navyo vya sere okuḥaṅewa moumbumba; nandarire ohoromende kama i vi yakura ko.

⁶⁶ Ove motjiwa, otjomutire. . . Ami himee yenene otjomutire, otjomutire wa United States, ngunda Ami—Ami. . . ove ondjiṭe otjeke yozoranda ndano nu Ami e ha roro ko okutwako ena randje ku yo. Hmm. Momunu, Ami he tje yenena okutjita. Momunu, oruveze rwokuwana. Avihe vya sere okupitira mu tjiva vyuruwano kaṅi, nu oruwano ndo ootjiṅa tjiṃwe tji ma tji eta ohako yotjipuka. Momunu? Oruveze rwokuwana, nu mape ungurire okuvaza imbo. Ove momunu nawa nomeho woye uriri, tjinangara wa tara ku vyo. Oruveze rwokuwana, indu oviṅa avihe pu mavi wana kumwe.

⁶⁷ OmuJuda—ovaJuda va wana pamwe okupirikira Jesu, otja—otja Messiah wavo. Mena ra nao, eṭe twa muna mbi vya tjitwa. Eṭe matu munu otjiṅa tjiṃwe nai, okomunesa ya wana okunyona okereka, kombunda okereka tji ya za nokuwana mOkomitii yOzokereka mOuye nokukondja okunyona Ombuze, Embo ra Ndjambi. Va kondja okuisapo Yo. Otjiṅa ovo tji mave yenene okutjita uriri okuriutira okomitii oveni, orondu ovo wa ḥaṅika; okambumba okaṭiṭi imba, oMethodist, noBaptist, nova Lutheran, nova Presbyterian, Okereka ya Kristu, na vyarwe komurungu momwano imbo. Kamaave tjiti otjiṅa, orondu *ingwi* ma pirukire *ingwi*, *ingwi* a pirukire ingo *warwe*, omahongero wa vo tjinene yeri tjiṃuna ombangu ndjiri pokati koutjiro noutokero uriri. momunu, kamaave tjiti. Posiya tji veri pamwe, kehi younane onunene umwe, va tuurunga nao. Indino va tuurunga nao.

⁶⁸ Imbo omwano ovaKatolika otji va wana tjinene, oKatolika ya Roma, orondu ovo veri moruwano, veri. . . ovengi vavo oKatolika ya Roma; ovaNgirike nova Katolika varwe ka—kavengi tjinene tjiṃuna oKatolika ya Roma. Nambano ve wana kumwe, nu omena ra nao tji ve kara pamwe. Nandarire pa kara ye, tate omunane ingo nguri otjiuru tjoṃiṅa avihe. Momunu? Nu nandarire omundu rive ma tja vi, “Eye nguri omuhinandjo; eye—eye—eye omukuramenepo wa Ndjambi, opuwo nao; eye uri popezu na Ndjambi; eye nguna ouvara kombanda yotjovasengwa, Eyuru, noruveze rwokuyapurwa.” Momunu?

Okutja kapena otjiṅa tji ma tji yenene okutjitwa motjiṅo *ho*; ngamwa atjihe eye tja hungire, otji pa sere okutjitwa.

⁶⁹ Nambano, Ovapirukire mave rizikire oveni omunane nao uriri, omwano umwe. Nu Ombeipera ka i tja pa ungurwa otjiserekarera kosaneno yotjipuka? Otjiserekarera otjikwaye? Otjiṅa tjosaneno imwe, tji tja ungurwa kosaneno ndjo. Opombo, otjiṅa tjimwe. Otjikwaye? Tji mave wana pamwe oveni, nu indji ombepo yotjiwondo, ndji ma i *wana*.

⁷⁰ Okuwana pamwe nai, mokukondja okunyona Ombuze. Ovo ve nyona vi Yo? Ovo mave nyono vi Embo ra Ndjambi? Ve tjita kutja Ri rire omungandjo, omungandjo, mokutoorora otuzo tjimuna tji va tjita rukuru imbo pombutiro, nokutjita kutja Embo ra Ndjambi ri rire omungandjo. Momunu, ve tja, “Oo, imbo...Tjiri, kombunda yaavihe...” Ove momunu omukazendu ingwi omuhinamukuru ngu ma kondjisa oku... eye...Ami mba zemi ena re nai kutja ouṅe; andakuzu Ami andakuzu me isana ro. Eye...Ami me kondjo okuripura nomengi tjinene.

⁷¹ Ami tjeripura nOserekaze indji Otjiwaṅa eyuva indo rarwe; Ami me zeri kutja eṅe andakuzu tuna warwe tjimuna ingo ngu me ya. Eye wari umwe ngwa hiti mozonganda zovikariha nokunyona omavinu, nokuimbirahi oviraairo noviṅa tjimuna imbyo. Ongwaye ovakazendu tjiva tji ve ha sekama nao ndinondi, nokuwondja pendje imba nokutaurira tjiva vyoviperendo imbi pehi vyovakazendu imba wotjimbumba tje omuini, noviṅa tjimuna imbyo? Imbi, kavi ri muvo rukwao.

⁷² Nambano, posiya omukazendu ingwi, omuhinamukuru, ngwa tja kutja—kutja “Ombeipera ondeyeyoveta, okuiresa morupanda rwozosikore,” noviṅa tjimuna imbyo.

⁷³ Nambano ovo wina, ove wa tara rukwao, ovo mave kondjo okutja nai, noverihonge ovanene vOmatjangwa, wa tja “ovingi vyomaporofetero nga porofeterwe mOmbeipera ya zundakere oparukaze, nu kavi ya rora okuyenenisiwa.” Nove wa zuva ohunga na imbyo nu wa resa. Nu mave kondjo okuhungira oviṅa avihe; ove momunu, mave kondjo okunyona omaunguriro vEmbo indo. Andakuzu mave yenene okunyona nokupimbisa Ro nomahongero poo otjiṅa kaani omundu tjenatjo, imbo momoho wa vo pe munika tjimuna okokuwa kombanda Embo, tjazumba ve nyona Ro puna—puna otuzo twavo. Nu imbo omwano mbu mave kondjo okunyona Embo ra Ndjambi, mozopolotika zokereka ndahanika pekepeke.

⁷⁴ Nambano, okereka aihe ina opolotika yayo oini. OKereka ya Kristu ina yayo, okereka yOukriste ina yayo, noBaptist, noMethodist, noPresbyterian; azehe zena ozopolotika zawo pekepeke. Nambano, va uta okuzapo okuza imbo orondu va hanika. Momunu, ka tja pe yenena okutjitwa rukuru, va sere okutjita nai. Momunu, indwi oruveze rwokuwana, nu nai avehe

mave twa pamwe nokuyavarasana nu ve tare kutja mave piti na tjike. Mbuae, peri tjimuna okuzika omboroto ombomba okuza ponyama yokakambe, nondova okuza mondoha, na ngamwa ovingi mbi ve navyo pamwe; nonyutire pamwe, notwa ovihakautu tjiva mbya wora noviņa kumwe, notara kutja mopiti na tjike. Ami tjiri himee vanga ngamwa otjįņa tja imbyo. Kako, mutengwa! Imbo omwano mbu mave tjiti. Momunu, mave toora ovandu mbu ave kambura kutja Jesu wari otjimbaharere, okereka ndja i kambura kutja Jesu wari otjimbaharere; varwe, tjiva ave kambura kutja Eye wari omuporofete.

⁷⁵ Umwe a tja, “Omayuva wovihimise ya kapita.”

⁷⁶ Warwe a tja, “Ngahino mape kara otjįņa ohamukwa na itjo.”

⁷⁷ Nu imbi avihe pamwe; nOmbeipera ya tja, “Hapo vevari mave kayenda vi pamwe ngunda rutenga ave hiya zuvasana?” Momunu? Nambano, imbo omuhingo wa vo wokuwana. Nokukara na rive tate omunene omuyapuke okutwa kombanda ya ro, nu oove ngo una otjiserekarera tjosaneno yotjipuka, Ombeipera pu ma i heye okumana uriri. Nambano vena omuhonge woLutheran, omunane wa tjo. Osemba, eęe matu munu oruveze rwokuwana. Otjįņa tjimwe nai, Okomunesa naavihe mavi wana kumwe; mouye, na mokereka na vyarwe komurungu, mavi wana kumwe.

⁷⁸ Tarera okuti. Oo, mbuae! Okuti, tjinangara ove motarere okuti, ku tjita otjįņa tjimwe. Okuti ombapira yomayuva noviraisiro vya Ndjambi. Imbi ove ootjiwa? Jesu weve raera kutja ve tarere okuti. Omuronga u tya ovimboro, momunu, nu mape kara oviņa pekepeke, nomakurakuriro wehi motuveze pekepeke, oviposa moviwaņa, oviraisiro meyuru, oviraisiro kombanda ehi, apehe mape kara oviraisiro vyomeero woruveze indwi.

⁷⁹ Tarera ovikamba. Ngunda ovikamba avi hiya eta otjivepo tjombura, ove motjiwa kutja pe tjitwavi? Ovikamba ovięiti tjiva viya pamwe, avi tungu otjikamba tjimwe otjinene. Osemba, imbi vina ombepo onđiti ndji mai vi hingi, imbi vyarwe vina ombepo onđiti ndji mai vi hingi, novyo avihe vi hinga pamwe, nu tzazumba ape kara orukumbambura. Momunu? Vi wana rutenga ngunda a ku hiya kara ombepo; vya sere.

⁸⁰ Tara ozombaka ozonđiti nozombaka ozonene ze kara noruwano ozeni pamwe ngunda aze hiya pita okuza mehi ra zo. Momunu? Ze kara noruwano pamwe. Ove moze munu tji maze tuka okuza potjizeva itji okuyenda ku itjina, okuza imba okuyenda mbena, azehe zeya pamwe. Ozo zeri mokuwana, maze rongererere omairo wa zo. Momunu, uriri pe. . .ingo okuti, nu Ndjambi ngwa uta okuti, nokuti kuungurira kondando ya Ndjambi. Oveta, oveta ya Ndjambi ndji hiya tjangwa, okuti ngo kuungurira koveta Ye.

⁸¹ Tjimuna uriri, tje hungire potjiungura tjonđiro, pena omeva nge yenda kehi meyendo, kehi momuze womuti, ye kara imbo nga

ombendukiro moruteni. Oveta ya Ndjambi. Kapena ondjiviro ndji ma i yenene okutjita kutja omeva ingo ye hite kehi ingo; ove komo yenene okuyenana, ove komo yenene okuyekanda. Kapena omwano wokutjita osemba kombanda ya Ndjambi pu ma tjiti. Ndjambi una omwano omusemba. Okutja indu oviyao tji vyau pehi, indino Eye u hinda omeva kehi meyendo nokuyehoreka. Otja Job pa tja, “Ndji horeka meyendo ngandu omazenge woYe tji ya u pehi.” Momunu? Ye yenda kehi ingo orondu oveta yokuti, komurungu oututukende. Tara koviyao nambano vya utu okuwa. Ongwaye? Oveta yokuti.

⁸² Ozombaka zeya pamwe, ozo azehe, nu aze wongarere pamwe ongondoroka nomuhongore. Imo maze tjiwa omwano kaani, Ami hina okutjiwa kutja ze tjitavi, posiya ze tjiwa kutja ombaka indjo ondwezu yorive ondjiri ohongore. Nomundu ingo omutiŋi, azehe ze ya pamwe naze wongarere ongondoroka na yo, naze tuka okuyenda kombanda. Noyo. . .kana pu ya rora okuzapo potjizeva itjo nai, posiya oyo mayi osemba uriri ko Louisiana poo ko Texas otja pu ma i yenene, korupare roruihi. Momunu, ngunda aze hiya twara komatukiro wa zo, okuzapo ponganda yazo pu za kwatwera ombura indjo, ze wana pamwe. Amen! Oove ngo; mowongarere ongondoroka nomuhongore wa zo.

⁸³ Oumba owo mbwi kokutja, puna omundu, eye ka tjiwa omuhongore we. Ii, mutengwa. Mave wongarere ongondoroka nokereka ndjahaŋika pekepeke, mave wongarere ongondoroka nobishopa poo omundu, posiya kamaave wongarere ongondoroka nOmuhongore, Ombepo Ondjapuke mEmbo. Momunu? Ve tja, “Oo, osemba, Ami me tira kutja kaŋiti Ami me rire omupyuke; Ami mbina ondira kutja Nge i komunda mbu heri wo.” Ooooo, oove ngo! Tjike andakuzu ombaka ondiŋi ya tja, “Ami hi vanga omwano oyo tji twapo omainya wa yo. Ami hina okukambura kutja Ami me i kongorere.” Ove mokukuta oŋu kombepera. Ove mokara imbo, tjinangara ove kona okuyenda puna o—puna ovatuke tji mave i. Okwo ku wana kumwe okuni, nokuti ku tjita nao.

⁸⁴ Ozombaka ozonene ze wana kumwe ozeni, ze wongarera ongondoroka nomuhongore wa zo; ze tjita otjiŋa tjimwe.

⁸⁵ Ove wa rora okumuna ozonywitji tjizekwata? Ozonywitji ze wana kumwe, ngunda a ze hiya kwata, ongondoroka nombara oserekaze ya zo. Imbo otjiperi. Noyo kuma yi, ozo okuzeyenda wina. Ii! Ze tjitavi? Ze wana ngunda a ze hiya kwata. Otjiperi; ongaro aihe!

⁸⁶ Omahundju ye wana oyeni kumwe ngunda oruharui aru hiya pupa. Moukoto omuronga, ove movaza mo; inga omanene. . . ngu tu isana “korutambo,” osalmona. Indu tji yeya imbo, ngunda omupupo imbo a u hiyeya, ove moye munu momayovi omurongo, imo momuronga imbo, a maye ya nokuya; omeva womongwa, posiya owo omahundju womeva omakohoke. Nu owonga yeya

imba pomeva omakohoke, ye hite mekweze rokukwata. Ye yenda kombanda imbo nokukwata, kombunda ozombura ape ine, nu tjimanga tji ya zu nokukwata a ye koka. Nowo ye tjiwa kutja maye i ingo okukakoka, nove komo ye tjaere notjiṅa. Maye katuka ondjira yomahundju noviṅa vyarwe avihe, okuyenda kombanda imbo, a maye tjiwa kutja maye i konḍiro ya wo. Posiya oveta yokuti ya tjita nao, okutjiwa kutja ye yende imbo okukwata mondovi, nokukoka. Nu inga omaṭiṭi a ye ya, notjiṅa kaani a tji ye wanisa kumwe tjazumba, nowo ngo aye piti okuyenda momuronga. Okuwana! Oveta. Ove komoo taara oveta ya Ndjambi.

⁸⁷ Oviwaṅa mavi—mavi haṅika, orondu oruveze nai eṭe mu matu munu kutja—kutja va sere okutjita imbi. Eṭe turi momuhunga womakandaiziro yotjiwaṅa. Eṭe matu munu oviwaṅa mavi haṅa omeerowapamwe. Ombura nombura, eṭe twa muna otjiwaṅa *ih*i ama tji hiti moukomunesa; *ih*i ama tji hiti moukomunesa. Nu imbo motjiwaṅa tjetu oveni, tjeritwa puna okomunesa, nu matji honapara! Momunu, otji ma tji tjiti, kapena omwano woku tjitjaera. Ongwaye? Omena romwano umwe eṅe pu mu hina mwa tjaerere Titus. Ovandu va humbire Ndjambi nEmbo Re. Ii, mutengwa, okutja ovo opu mave ka tjita, nu eṭe matu munu tjiviri momuhunga.

⁸⁸ Ami, mokukara, Ami mbi toora ozoiri ozonḍiṭi; Ami mba toora ape ozominute omirongo vitatu, nambano nai. Momunu? Posiya okuhitisa avihe imbi, Ami me undura uriri. Ove kerihonge indu tji wa i konganda.

⁸⁹ Tara, nambano nai mave wana. Ove motja, “Mbuti Branham, imbo owatjiri?” Mave ya kOtjirwa tjo Armageddon; opu mave tjiti okumana. Momunu? Novo mave wanene mena ra imbyo nai. Omena ra nao eṭe tji tuna o UN, noviṅa avihe mbi tu navyo. Okutja Ouye kOutokero ma u wanene okupirukira Ouye Koutjiro, oukomunesa na vyare komurungu, avihe mavi wana pamwe. Ozokereka maze wana pamwe. Oviṅa avihe tjimuna mavi wana. Okuwana, okuwana oveni pamwe, eṭe matu munu imbyo.

⁹⁰ Wina, ngunda oviwaṅa avihe imbi amavi wana, oviraisiro imbi, oviraisiro vyoviwaṅa, eṭe matu munu imba mouye, omakurakuriro wehi motuveze pekepeke, oviṅa pekepeke mavi wana; okueta ouye pamwe, okueta ovandu pamwe, ozokereka azehe pamwe, oviṅa imbi avihe. Nu ngunda a kuna omawaneno inga ayehe, pena omawaneno warwe ngeriko. Amen! Imbo Ami okumevanga okumuurikira nai.

⁹¹ Ndjambi ma wanisa Omukupwa We. Eye meya pamwe, okuza kOutjiro na kOutokero, na kOmanene na kOmamuho. Pena oruveze rwokuwana, nu nduriko nambano nai. Hapo Eye ma wanene otjike? OMatoorero. Amen! Ndjambi me Mu rongerisa. Ii mutengwa, okuwana! Hapo Eye ma wana na tjike?

Puna Embo! “Orondu eyuru arihe nehi mavi yanda, nungwari Embo Randje kamaa ri yanda ko.” Eye ma wana Omuini puna MUHONA MA TJA NAI pendje nomambo wokereka ndjahaṅika pekepeke poo omundu rive. Eye ma wana Omuini. Eye ma rongere. Ongwaye? Eye Omukupwa. Imbo Otjiperi. Nu Eye ma wana Omuini puna Omurumendu We omukupe, momunu, nu Omurumendu omukupe Embo. “Mombutiro yari Embo, Embo rari puna Ndjambi, nEmbo rari Ndjambi. NEmbo ra ririsiwa onyama nari tura mokati ketu.”

⁹² Nu Okereka nOmukupwa nEmbo mavi yende avi rire umwe tjinene, ngandu indi Embo Orini tji mari ungura oviungura vyOmurumendu omukupe. Amen! Ove movimunu? Okuwana! Ka rukwao ko, “Rikwamba kokereka”; ka vingi rukwao vya *imbi*, posiya poka okuza koviṅa avihe nu u kakatere ku Jesu Kristu. Momunu? Oruveze rwokuwana. Ndjambi, ma wanisa Omukupwa We kumwe, ma kotora Ro kumwe; okumana uriri. Okuwanisa Omambo wongwizikiro Ye.

⁹³ Tesalonika Outjavari, ekondwa o2; Ma ri tja, ekondwa indi o5 ri tja, “Ovayapuke mba rara moruuma rwehi mave penduka. Nu tjazumba matu wana puna wo (imba mbena omuinyo, puna imba mba ṅa rukuru), mave wana ngunda atu hiya ya kombanda Ingo,” orondu Omukupwa wa rongera rukuru ngunda Eye e hiya vaza Imbo. Imba mbena omuinyo, mbu mave wana oveni kumwe nEmbo, na imba mba ya rukuru va tjita nao; nu avihe Mavi ya pamwe, ave kara noruwano rumwe orunene rwokuwana ngunda ave hiya ya kombanda Ingo. Amen!

⁹⁴ Okomunesa ya sere okuyandimuka, oviṅa imbi vyarwe vya sere okuyandimuka, nu okereka ya sere okuwana oini pendje hembandina, indu imbyo. . . noviwaṅa pendje imbo mena rOkomitii yOzokereka mOuye; nOmukupwa wa sere okuwana Omuini kehi yEmbo ra Ndjambi. Kokutja ve tjite nao, Ndjambi wa hinda otjiraishirotjEyuru pehi noviṅa, mbya raisa kOkereka, tjinga Eye pa tjita kotjiwaṅa. Amen.

⁹⁵ Ndjambi; oruveze rwokuwana! Ii, mutengwa. Oo, mbuae! Nambano, ove mozemburuka, nai, pena omawaneno puna Embo (okuwana okuyaruka rukwao), okukotora “Ongamburiro ndja yandjewa kovayapuke.” Okukotora! Kutja imbi avi yenene okutjitwa meyuva indi uriri. Oruveze mu mavi yenene okutjitwa orondwi nai uriri. Oro kari ya rora okurwisiwa ngamwa apehe; va ya okuzapo mokukara novitjitwa vyokombanda ya nao mozokereka ndahaṅika pekepeke. Posiya nai, ka kaṅepo mokukara novitjitwa vyokombanda ya nao mozokereka ndahaṅika pekepeke, orondu oruveze rwovarumendu okuwana novakazendu vomuhoko auhe, otjivara atjihe, omahongero ayehe, oviṅa avihe kehi ya Kristu otja kOmbapitisimo yOmbepo Ondjapuke nokukotoka kEmbo.

⁹⁶ Oruveze rwokuwana mOkereka! Oo, mbuae! Okuwanisa

Embo arihe nda rimbarisiwa hembandina kozombongo inḁa: okuza ku indu oNicaea, oRoma, indu tji va woronganisa okereka ondenga, nu va woronganisa oLuther, va woronganisa Wesley, va woronganisa ozokereka zarwe azehe. Nu mokuḁjita nao, va ḁire okutoora omahongero, nu tjazumba indu Ndjambi tja hinda otjina kaani, kaave yenene okuyakura Ro. Mena ra nao, kaape sora ko nga ku nai. Nu Ndjambi wa kwizika, momayuva omasenina, kutja “Ongamburiro yootate ma i yarurwa koupe kOmukupwa rukwao,” kutja ma rire momuhunga imbwi, nu kamaa rire oruveze rwarwe posiya oruveze indwi. Tara otjiraaisiro ho okuza kEyuru, otjOrururumo rwOmuriro ndu ma ru rekareka mokati ketu, nu puna oviraaisiro novihimise vya Muhona Jesu Kristu. Nu ngunda Eye ama hungire na eḁe, Oro kari ya rora okukara nokuhiya toḁa osemba okumana. Amen! Indino matu munu eḁe pu twa kurama. Oruveze rwokuwana!

⁹⁷ Matu munu oviwana mbi mavi wana, matu munu ouye mbu ma u wana, matu munu okomunesa ma i wana, matu munu ozokereka ndu maze wana; nu matu munu Ndjambi ngu ma wana Omuini puna Omukupwa We, ngandu indi Eye nOkereka tji va rire umwe. Hallelujah! Tjimuna otjinavikoro vitatu imbo. Okokuwa! Mavi wana ovini pamwe; Ndjambi ma wana! Ongwaye? Katji pari rukuru, okuza kotjiwondo otjitenga tjokereka, Orururumo rwOmuriro karu yari mokati kovandu. Katji pari rukuru, okuza kotjiwondo otjitenga tjokereka, ovo pu va rora okumuna ovina mbi matu munu ndinondi. Nu imbi vya sora okutjitwa indu Ndjambi tja hinda Oviyambo Hambombari nu e tu raisire otjiraaisiro ku Tjo uriri, na hinda Ovaengeli hambombari pehi okuza kEyuru; nokuya okukotora Embo indo nda rimbarisiwa mozokereka ndahaḁika pekepeke, nari kutwa okukotorwa kEmbo ra Ndjambi rukwao, okueta Ombepo Ye Ondjapuke pehi.

⁹⁸ Jesu wa tja, “Tjinangara wa kara mu Ami nu Embo Randje ari kara mu ove, indino ningira tjimovanga, otji mape tjitwa ku ove.” Okuwanisa Omukupwa okukotora puna Embo, nguri Ndjambi. Okereka nEmbo, ka Kereka nomahongero, Okereka nEmbo; Omukupwa nEmbo vya wana pamwe. Oo, mbuae! Otjina o. . . Okuyarapoko okukotora ye? Ongamburiro yootate vopentekostal ohomonena, momunu, ndja rimbarisirwe kotjimbumba tja Luther. Ka Luther omuini; ka Luther, ka Wesley, ka vazikamise ovanene imbo. Posiya kombunda tji vaza nokuyenda, pa yanḁimuka okereka, novo. . . indino mbi va tjita na imbyo, va uta ombongo okuza mu yo. Va yakura omahongero na vyarwe komurungu, nave zupo okuyenda. Nu tara ku vo ndinondi, nambano va hita mOkomitii yOzokereka mOuye.

⁹⁹ Nambano, ove momunu, posiya momayuva omasenina, ove momunu, eḁe tu muna ovina mbi tjitwa nai mbi hiya rora okutjitwa rukuru. Momunu, otjiraaisiro tja Ndjambi, nu okuwana ingwi akuhe oruveze rwotjiraaisiro. Nambano, matu

vanga okutara imbo nongengezero nu tu kare nokutjiwa tjiri kutja twe vi zuu. Okuyesa...ve yesa Embo rowatjiri mena rozokereka ndahaḅika pekepeke; mokuyakura omahongero noumune wovandu pekepeke pendje nokuyakura Embo.

¹⁰⁰ Omavandururiro 10 ra tja, “Ombuze yomuengeli outjahambombari.” Nambano zemburuka, imbo opOzohiva Hambombari, nu pena ovaengeli hambombari mba posisa Ozohiva Hambombari. Tjarwe eḅe matuya ku imbyo. Posiya zemburuka yari, tjinenenene Pa tja, “Ovaengeli...,” kaHiva yomuengeli outjahambombari, Posiya “Ombuze yomuengeli outjahambombari.” Momunu, kamuengeli wOhiva, omuengeli wOmbuze! Momunu, omuengeli a posisa ohiva uriri, omungeli ingo outjahambombari, omuengeli wOhiva. Posiya imba mape tja, “Momayuva wOmbuze yomuengeli outjahambombari,” momunu, indu Ombuze ye tji yeya komaandero. Momunu, iho otjiwondo tjOmbuze yokereka. Moruveze indwi, tjazumba eye ma yenene...Ombuze, ka Hiva, nu “otjiundikwa tja Ndjambi (tji tja tjangwa mEmbo) tja sere okuya komaandero.”

¹⁰¹ Nambano tara eyuva mu matu hupire mo! Tara kOviyambo imbyo, kutja vya nana vi Embo ra Ndjambi indo nda rimbarisiwa, ku Luther na varwe avehe, kutja ovayarurepo ovanene mbari komurungu; va kotoka nave urike mOmbeipera, ovo pu veri; omundu auhe poruveze rwe, eye mbi ma tjiti na mbi mavi tjitwa kokereka; eye mbi ma tjiti, na mbi mavi tjitwa kokereka; eye oviḅa avihe imbi ka tjiti rukwao. Nu tjazumba, meyuva esenina, ngunda atu hina okutjiwa otjiḅa ohunga naro, we tu raerapo ohunga notjiḅa tjorive tji ma tji tjitwa; nandarire mozotjaitonga noviḅa vya yenena okumunikwa, nu a vi va nokuvandurura nokukuta oviundikwa kumwe. Amen! Mbuti, imbo opatongamise ku ami! Kutja, ku ami, petwa Embo momuhunga. Amen! Ami hina konatja kutja—kutja, poo, Ami mbina konatja novandu kutja mave tjavi, okuripura, imbo otjiperi, posiya ku ami Owatjiri.

¹⁰² Tjimuna omurumendu onongo, ngwa zu koBabylon, va ura, “Hapo Eye uripi, ngwa kwatwa Ombara yo vaJuda? Eye uri kombanda ehi, nambano nai. Eḅe twa sere okuhakaena na Ye.” Imbo otjiperi. Nu Ami mekambura kutja Eye uri popezu tjinene nokuya Ami pu me tjere, “Tara, Omurumendu omukupe weya! Ami me zuu oruhoke mokati kouḅuku!” Amen! Eḅe turi popezu noruveze rwokomaandero. Oo mbuae, oiri mu matu hupire mo. Tara. Momunu?

¹⁰³ Eyuva omwano warwe! Oruveze omwano warwe mutu hupira, ihi otjiundikwa otjinene tja Ndjambi tji tjeya komaandero; mokueta ongaro ya Ndjambi, okuraisa tji i Ri; kutja omahongero inga omaḅiḅi pekepeke, naye zupo okuMu tjita *imbi*, nomundu worive we Mu tjita *imbi*, nomundu worive we Mu tjita *imbyo*. Posiya Omuengeli wa Muhona we ya pehi na raisa omahongero wavo ayehe pekepeke, na pitisa imbyo

Owatjiri okuza mu wo, na raisire Wo. Nu Opombo, pe Ri osemba otja tji pa sere okukara uriri, kapena omuhunga warwe ku moyenene okuyenda. OpoMbo, imbo Eye otjeri. Momunu, ondekurona yonyoka, oviṅa imbi avihe—avihe pekepeke mbyari oviindikwa tjinene mokati kovandu. Momunu? Ovikwaye? Eye wari. . .Ihi otjiraisiro ku tjike? Okuwana!

¹⁰⁴ Hapo Eye wa tjavi mu Malakia 4? Ma yarurapo! Okuyarurapo okukatora Ongamburiro ohomonena yopentekostal, okukatora kovandu mbena Ombuze imwe yopentekostal, otjiraisiro tjimwe tjopentekostal, omahongonona yemwe yopentekostal, Ndjambi umwe, Omasa yemwe, omahongero yemwe, oviṅa avihe tjinga viri okumana, puna omaraisiro yemwe wOrururumo rwOmuriro ndwa kunda Saul pehi mondjira, okuyenda ko Damaskus yeri mokati ketu ndinondi, maye tjiti oviṅa vimwe Eye mbya tjiti meyuva indo. Okuwana!

¹⁰⁵ Matu munu oviwaṅa mavi wana, matu munu ouye ma u wana, matu munu ozokereka maze wana. Matu munu Omukupwa ma wana, mawana puna Embo. Ongwaye? Embo ndiri Ndjambi. Nu tjinga Embo. . . Otja Omurumendu omukupe (e ri Embo), nOmukupwa (e ri omuzuve wEmbo), Ve ya pamwe mOruwano. Ve wana tjimuna porukupu. Momunu, Mave rongerere orukupu, nu Ve—Ve rira Umwe. Embo ri rira ove, ove orire Embo. Jesu wa tja, “Eyuva ndo ove motjiwa. Avihe mbiri mu Tate, Ami otji mbi ri; nauhe Ami tji mbiri, ove tji uri; nauhe tji uri, Ami otji mbiri. Eyuva indo ove motjiwa kutja Ami mbiri mu Tate, Tate uri mu Ami, Ami mbiri mu ove, nove uri mu Ami.” Momunu? Pe “eyuva indo.” Eyuva riṅe? Eyuva indi! Eṅe twa muna oviindikwa ovinene mbya horekwa vya Ndjambi a mavi vandururwa. Oo, Ami imbo pe ndji tjatera!

¹⁰⁶ Oo, tarera kutja ongwaye ondjiviro punEmbo tji vi ha hitasana, tjimuna tji ve tjita ndinondi. Kaave tjiti rukuru. Va uta okutjita nai uriri.

¹⁰⁷ Tara, Eye wa tja, “oviraisiro vyeyuru, oviraisiro vyeyuru.” Ondjiviro, noviraisiro vyoviwaṅa; nambano vena oviraisiro ovinene meyuru ndinondi, vena ovayende vokomueze noviṅa avihe. Posiya imba ovayende vokomueze ve tjitavi kouye, otjiraisiro? Tji ve twa mondira. Kave tjiwa kutja oruzeze ruṅe pu mave hindi otjiṅa kaṅi kombanda ngo tji tjiri nao nave umbu ovipamuke imbi, nu kamaatu hupu rukwao. Momunu? Nambano imbyo oviraisiro mbi ve navyo, oviraisire vyondira meyuru. Momunu? Ve na vyo, ovipamuke vyoatoma noviṅa avihe, oviraisiro avihe pekepeke.

¹⁰⁸ Ove momunu pu va kara nomunwe kembo konḍuvasaneno indji—indji, eyuva indo rarwe, kutja ave sokuhina okupamuna ovipamuke rukwao poruzeze rwakamwaha, posiya nambano ve yenda kehi yomeva nokehi yehi, okuvi rora omwano uwe uriri.

Momunu? Va twa omunwe kembo konḁuvasaneno, “Eḁe katuna okutjita imbi, tjinangara ove wa tja kona okuvitjita (posiya matu yaruka konganda natu ka tjita komwano imbwi; ngunda matu tjiwa kutja ove motjiti omwano umwe imbo).” Momunu? Kapena otjina uriri, uriri o . . . kape tjina ouḁakame mokati kavo, imba kapena—imba kapena otjina. Ove moyenene . . . Momunu? Nomundu auhe una ondira nomukwao. Iho otjiraisiro tjondira.

¹⁰⁹ Ondjiviro nomundu noviwana vya raisa otjiraisiro tjondira meyuru. Imbo otjiperi okumana. Nambano, ve tirasana. Nu pa kara otjiraisiro tjomeyuru tji tja yandjewa ko . . . Momunu nai, vena otjiraisiro meyuru wina, otjiraisiro otjiritise, omundu motjiyenda komueze; mapeya a kara notjipamuke tjoatoma, nu mapeya a umbu na nyona ouye auhe. Sekama motjiyenda komueze, nu u kurame pendje imbo. Kapena otjina tji ma tji ve tjaere okutji tjita. Mave yenene okutjita tjiri, ovo . . . ngamwa oruveze ndu mave vanga. Mave yenene okumutwa moruuma tjinangara mave vanga, posiya . . . mozominute omurongo nandano okuza imba nai. Nu umwe mbi ma yenene okutjita, ingo warwe omwano imbo, wina. Okutja, ove momunu kutja vena otjiraisiro, posiya otjiraisiro tjo tji ve twa mondira.

¹¹⁰ Owo mave wana pamwe, mave twa omasa wa vo pamwe. Ouye oukutuke, mave twa omasa wa vo pamwe. Okomunesa ma tji twa omasa ya wo pamwe nova Russia. Omundu auhe; posiya auhe una ondira nomukwao. Momunu, otjiraisiro otjiritise. Imbo otjiperi. Imbyo oviraisiro vyoviwana, noviḁa.

¹¹¹ Posiya Okereka ya yakura Otjiraisiro tjeYuru: Omuyenda komueze! Amen! Jesu Kristu, momuhapo wOrururumo rwOmuriro; kutja Eye wari mEtestamende Ekuru, kutja Eye otjari indu Eye tja hakaena na Saul mondjira okuyenda ngo ko Damaskus, o Jesu umwe imba ndinondi! Nu Opo pe tjitavi? Hapo Opo pe eta ondira? Pe eta orusuvero, okuwana nauhe. Amen! Okurimunina omukweḁu. Pe eta Orusuvero rwa Ndjambi, oo, okutuwanisa nokutuyetera, Okaḁepo ka Kristu, moruwano otjOmukupwa. Imbo otjiperi nai, oruwano orunene indwi Ndjambi ndwa . . .

¹¹² Mave wana kumwe oveni, otjimbumba tjimwe tjiri *imba* okurwisa otjikwao, otjimbumba tjarwe tjiri *mbera* okurwisa otjikwao. Imba okereka ya kurama pokati kavo; ove tarera mbi mavi tjitwa, ma i wana puna vo. Imbo otjiperi okumana. Posiya, nai, twa muna kutja imbo mape eta ondira nongurunguse.

¹¹³ Posiya Okereka, Omukupwa, wa wanena ku Ndjambi umwe, kehi yOmbepo imwe, Ombepo ya Ndjambi, mOruwano rumwe Oruyapuke rwa Ndjambi, okurira Omukupwa umwe omuyapuke ku Ndjambi. Imbo otjiperi, avihe pamwe; oruwano rwOkaḁepo. Okaḁepo make undju otjOmukupwa; otja—otja tji ke Ri Omukupwa, tjinga matu ri isana oveni Omukupwa. Koruveze rwokuwana rwOmukupwa, Okereka wina ma i ya

pamwe. Pa sere okukara orusuvero uriri mokati ketu, kutja i rire ouzeu eṭe okukara kokure novakwetu. Imbo otjiperi. Indu ove uriri, ove kona okuhepa okuriheka movandu okukumba, ove kona okuhepa okuriheka mu vo okurikotamena ku Ndjambi, ove kona okuhepa okuriheka muvo okutjita ouwa. Ovo vena orusuvero tjinene puna Ye uriri, ngandu indi tji pe hina otjina tjarwe.

¹¹⁴ Ove moripura vi ohunga nokanatje okaṭiṭi okakazona, omukazona omuṭiṭi omuwa, nguma ka kupa omurumendu worive omuwa omuṭiṭi eye nga suvera tjinene uriri, pena omaheya omanene ku ye kombanda omuinyo we omuini, nu eye ma tjiwa kutja ovo mave ka kupasana? Tjinga eyuva rworukupu indo pu mari yenda yenda, omundu ngo omuṭiṭi, Ami me ku raere, eye auhe “ma kara pokuwondja ohaisase.” Momunu? Eye ma ungura okurongerisa oviṇa avihe; eye u riyandja auhe kuye. Imbo otjiperi. Oviṇa avihe mbi mu pa omutjato, eye imbyo mbye vanga okutjita uriri. Osemba, imbo wa sere okurira omuhingo wokereka ndinondi, kutja ominyo vyetu vya horekwa mu Ndjambi okupitira mu kristu, a u paterwamo kOmbepo Ondjapuke.

¹¹⁵ Otjina Ami tji mbari ame hongo eṇe imba, okukuraera ohunga noviraisiro imbi noviṇa pekepeke mbi tjitwa, Ami hina oruveze okutjita nao nai; me tjiti mombuze yarwe, kombango ya Muhona. Posiya pena okaṇa okaṭiṭi kemwe ngunda ku ke hepwa mOkereka. Nu matu vanga imbyo, okuya ku imbyo, nu Ami mbiri komukuro wa vyo nai. Momunu? Eṭe matu vanga okuya ku imbyo, tjinangara . . . ove opu motjiti. Tjinangara ove kona okutjita, ovyo mbyo avihe uriri, ove wa sere okutjita. Orondu tara, oruveze rwokuwana ruri popezu, orondu Ndjambi ma eta Okereka pamwe pekare o—o Omatoorero okuyenda korukupu kOruwano Orunene: indu Ndjambi nomundu tji mave wana kOngaaruhe, indu oviutwa vyoruveze tji mavi wana puna Ongaaruhe.

¹¹⁶ Otjikando tjimwe tja tjitirwe momuhapo wOmuna womundu kombanda ehi. Nu Eye wa ṭire okuyandja Omuinyo We okuyeta omasa, okuwanisa ovandu imba varwe puna Omasa yemwe inga, kOmukupwa wa Jesu Kristu. Nu nambano Okereka ma i wana Oini kOkaneṇo ka Kristu. Oyo Oini ina ookutuke, yeri konda okuriisako okuza ku ngamwa omapando omaṭiṭi, ma i ri rongerisa Oini; maiya pamwe, oruwano mokati kavo; oo, orusuvero nondjoroka, nOmbepo Ondjapuke ma i wondjo mokati ka vo. Oo, mbuae, oruveze omwano warwe!

¹¹⁷ Tjinga matu munu ozombaka ozonḍiṭi maze rongere, matu munu ozombaka ozonene maze rongere, matu munu otjipuka . . . ozonywitji maze rongere, matu munu ovikamba mavi rongerere ombura, matu munu oviṇa avihe; kutja mavi wana vi pamwe, komaunguriro wavyo omanene. Matu munu Otjimbumba tjOviwaṇa, tjoviwaṇa pamwe, ma mavi wana ovini

puna okomunesa. Matu munu ovo tji mave wana pamwe imba mOuye wOkoutokero. Matu munu okereka ndji ma i wana oini pamwe, inḁa zarwe azehe. Okutja tjiri katji mape sora, kapena oruveze rwarwe tji mape yenene okukara omuhingo imbwi; ka tja pe kara omuhingo mbwi ozombura omirongo vivari nḁa kapita, ka tja pe kara omuhingo mbwi. Ka tja pe kara omuhingo mbwi ozombura omurongo nḁa kapita, ya sere okurira nambano nai. Momunu, mena rikutja omahongero inga noviḁa ka yeya poruveze ndwi.

118 Nambano penduka! Riyandimukisa omuini, tjimanga, nu u tare imba pu turi! Eḁe turi pi? Tjimuna ovarumendu ozonongo imbo, eḁe turi momuhunga puna Embo Re, nu Ondjerera ya Muhona ma i yere kombanda ondjira yetu. Ndjambi nga Hivirikwe wOkombandambanda. Nu Ndjambi nga Hivirikwe Ngwe tupa Jesu Kristu, Eḁe ngu twa suvera, nu ngwe tu eta poruveze ndwi. Nu eḁe tjinga. . . Oweḁe ovandu Ve, twa randwa notjisuta tjOmbinḁu Ye.

119 Oo, mbuae! Indu oruveze rwokuwana tji rweya, matu tara, tjinga matu wana puna ovakwetu mepango rOmbepo Ye, eḁe. . . Mapeya a rire Ombepo Ye? Tjiri, Oyo Ombepo Ye. Ongwaye tji Ri? Oro Embo Re, nu Eye onguri. . . indjo Ombepo yEmbo. Nu indu Ombepo yOngwizikiro ndji tji yeya kombanda yoye nu a i raisa nokuritjiukisa Oini imba, Oyo Ombepo imwe po? Oyo yari Imwe ndjari puna Mose mokuti ongaango! Oyo yari Imwe ndjari kombanda ya Jesu Kristu! Eye wari Umwe ngwa hakaena na Saul mondjira ye okuyenda ko Damaskus! Eye iumwe erero, ndinondi, ngaaruhe! Nu Eye u tjita otjina tjimwe!

120 Nu eḁe matu munu oviwana pamwe, matu munu ovanane vokereka pamwe, matu munu okomunesa pamwe, matu munu omahongero maye wana, matu munu oviḁa imbi avihe; nu nai matu munu Omukupwa ngu ma wana puna Embo. Oo, mbuae! Oruveze rwa yenene kokutja ovayapuke mave yandimuka okuwana puna imba mbenamumuinyo, okuyenda nokukawana puna Jesu Kristu kOngaaruhe.

121 Ndjambi nge tu vatere, atuhe, tu wane puna Kristu ongurova ndji, matu yandja oviḁa vyetu avihe tjinga turi, oviḁa avihe mbi tu navyo, omuinyo wetu auhe, orutu, nourizemburuka, ku Jesu Kristu, nokupaha oruveze ndo rokuwana.

Indu ohiva ya Ndjambi tji ya pose, nu kapena okukara noruveze rukwao,

Nomuhuka wOngaaruhe ma u ya, mouyere nouwa;

Indu ovakoke mu Kristu tji mave yandimuka nave woronganene hemandina yomukuro imbo warwe, (puna Omukupwa omunamuinyo, okutoorerwa pamwe kombanda.)

¹²² Tara komawaneno! Ndjambi ma wanisa Okereka puna Embo Re, Embo puna Okereka, kutja ovyo avihe vari vi rire umwe, “Hungira *imbi*, nu mavi tjitwa. Tjita *imbi*, nu mavi tjitwa. Imbi ombiri vyo; ingwi owAmi komurungu woye, ingwi owAmi ngu me raisa ro; ingwi owAmi puna ove.” Peri nawa.

¹²³ Eṭe nambano twa munu kutja oruveze rweya indu Ohiva tji ma i pose, nu imbo ovayapuke mba rara kongotwe imbo, kamaave ririsiwa ovasemba nokuhina eṭe; ovo mave undju ku eṭe (Ovaheberi 11); nu indu tji veyā pamwe, mave wana puna mbena omuinyo. Okereka ma i wana puna Embo, tjazumba Okereka nEmbo avi wana pamwe, mokurira umwe. Ovayapuke mba ṭa puna ovayapuke ovanamuinyo mave wana pamwe okurira umwe; nu avehe mbu mave i pamwe okuwana puna Kristu hemandina, mena rOrukupo rwEriro rOndjona romapeta.

¹²⁴ Oro oruveze rwokuwana, nu oviraisiro viri apehe. Oviraisiro viri moviwaṇa, oviraisiro viri moukomunesa, oviraisiro viri mOuye kOutokero, oviraisiro viri mOkomitii yozOkereka. Nu Otjiraisiro tjiri imba ongurova kehi youhonapare wOmbepo Ondjapuke, nEmbo ra Ndjambi ma ri raisa nokuritjita Owatjiri. Amen! Oruveze rwokuwana! Otjiraisiro tjOruveze rwOkuwana!

Nga tu pete oviuru.

¹²⁵ Muhona Jesu, tjinga omutima wandje wondjenda ma u nyandere ondjoroka, tjinga Ami a me munu mbi mavi sora ku ami, omurumendu wotjiwondo-tjopokati, posiya ngunda, mbi mavi sora ku ami okumuna Ove ngu moya morukwato indwi; okukara nomuinyo nokukurama imba, nokumuna indu Ohiva indjo tji ma i pose, “Ingwi ngu ri omuhakohoke, omuhakohoke ngunda. Ingwi nguri omusemba, omusemba ngunda. Ingwi nguri omuyapuke, omuyapuke ngunda.” O Muhona Ndjambi!

¹²⁶ Nokuripurira ku eṭe mbu twa kurama, tjimanga, mombapaiziro yeho, indu ouye pu hina okutjiwa kutja mape kawondja ye, posiya tjimanga, ove momunu okuriraisa komurungu woye, ovasuverwa veye mba ya rukuru, veyā okuwana puna ove rukwao. Nu matu tjituka tjimanga, mombapaiziro yeho; nu atu toorwa okuyenda kombanda, pamwe, okukahakaena na Muhona wetu meyuru. Nu tjazumba atu wana puna Ye, okukarera ingo ngaaruhe, nokuhina okurora okupita mOukarepo We rukwao.

¹²⁷ Otjiṇa tja peke otjinene ndinondi, Muhona, okutjiwa kutja nai twa kara noruwano mOmbepo imwe. Ombepo Imwe, Ombepo Ondjapuke, ina Embo okupama pu Ye, i ya mu eṭe. Nu otjiṇa otjinene tja peke, tuna onyūṇe okupoka ouhara okuza kouye auhe, okuwana oveni ku Jesu Kristu. Nokuripura kutja eyuva rorive, momuhapo worutu, puna orutu tjimuna orutu orunandjozikiro Rwe Omuini, eṭe matu haama potjitiha pOrukupo rOmapeta nu imbo matu wana natu kupu morukupo ku Ye; okuhupa otjOmukupwa nOmurumendu

omukupe okupitira moruveze aruhe nduri pookuya, okupitira mOngaaruhe ndji hina omaandero.

¹²⁸ Muhona Ndjambi, imbi avi rire ouripura wovimbaharere kovandu uriri, posiya ngarire otjina tja tjiri ngandu indi ondjara nonyota tji ma i kara movandu kutja ve...rese otjaitonga yavo, okutara ko...okupuratena kongoramambo na kombuze, nokumuna kutja oruveze rwokuwana. Oviraisire mavi papaiza.

¹²⁹ Muhona Ndjambi, tjimuna tji twa hungire ohunga nomukazendu, mbi mave tjiti momayuva omasenina; okereka pu ma i tjiti momayuva omasenina; nOtjiwondo tjOzokereka pu ma tji kara, nOviyambo pu mavi kara, oviṅa imbi vyarwe avihe. Nu matu munu otja tji pari, momayuva wa Sodom na Lot, indu Omuengeli wa Ndjambi Omuini tje ritjiukisa monyama youndu, ndja rya onyama yongombe nokunwa omaihi okuza kongombe, nokurya omboroto; na kurama imbo nu a yenene okuhungira mbya vi tjitwa ketambo Re. Nu Jesu wa tja otjina tjimwe matji tjitwa pomeero wOmuna womundu.

¹³⁰ Muhona Ndjambi, eṅe twa muna otjinavikoro vitatu, kutja twe tji tunga vi kombanda imbo, nu twa muna tjaatu twako oviṅa imbi ku tjo; natu munu kutja turi poruveze-rwokomaandero, matu undju Ombara yEwerokotjikoro. Ndjambi nga Hivirikwe! Matu kumbu, Tate, kutja Ove u pendure ovandu, tjimanga nai, nu utu woronganise pamwe, puna orusuvero oruyapuke nondengero ku Jesu Kristu na ku auhe.

¹³¹ Tji pena tjiva imba ongurova mbe hina omaundjiro ingo nga sekirire mu vo, yera eke roye ku Ndjambi nu u tje, “Muhona Ndjambi, ndji twa moruwano na Ove, ndji twa moruwano na Ove”? Ndjambi nge ku sere ondaya, mbuti. Ndjambi nge ku sere ondaya, na ove, ove; ii. “Ndji twa moruwano na Ove, Muhona.” Ii! Oo, mbuae!

Oviwana mavi hanika, Israel matji yanḍimuka,

¹³² Tara imbo ko Israel, tja wana pamwe. Israel, okuza mouye auhe, tjeya okuwana otjini; okuwana otjini nu nambano otjo otjiwana. Otjo otjiwana tjoruwano: puna erapi ravo oveni, ovimariva vyavo, ovarwe vovita vavo oveni, oviṅa avihe; tjinangara ovo vari, otji veri nai. Israel tja wana, Roma tja wana, okereka ya wana. Nu Omukupwa uri moruwano, amen; nomeero ingo Omanene wOruwano. Ovikwaye? Avihe mavi kawondja okuyenda ingo kOtjiraisiro itjo, Otjiraisiro tjoreṅera indjo otjiuru, Jesu nOmukupwa We mave wana otja umwe.

¹³³ Tate Ndjambi, vatera nozodaya inda Ami ndu me ningirire ovandu imba, nu ngatu wane na Ove momutima na mombepo, tjinga mave yere omake wa vo, okuzera imbyo. Muhona Ndjambi, tu kohorora nu utu tjite Ovoye; tu vatera, Muhona. Ombyo avihe mbi matu tjiwa nu mbi matu yenene okutjita, okuningira. Nu tjazumba Ove wa tja tjinangara twa ningire nu atu kambura,

twa sere okuyakura; Ami me paha imbyo, Muhona. Ami metja Okuhepa mEna ra Muhona Jesu. Amen.

Ami mbe Mu suvera, Ami mbe Mu suvera
Orondu Eye we ndji suvera omutenga
Na sutu ondjamo yandje
Komuti wa Calvari.

Amen. Oo, mbuae!

Tara, Omurumendu omukupe meya!
Ami me zuu oruhoze rwomokati kouṭuku!
Matu i kombanda noruuro, tjinangara eṭe
atuhe matu undju,
Natu hakaene na Ye meyuru.

Kara kangi nu kumba, mbuti wandje,
Tjarwe omundu worive ma toora otjikorone
tjoye,
Kovapyu ovatarazu novayarukombunda
Kavena okuzara ombanda yorukupo.

¹³⁴ Imbo otjiperi. Ngatu rongerere oruhoze ndwi rwomokati kouṭuku. Orwo maru ya moiri ove ndji u hina okuundjirako. Mape kara noruhoze, ka mokati kouye wa mbe hina okukambura; ma rire otjihorekwa. Posiya ovakambure, mbu mave undju ku imbi: Ove momunu ozonyose maze ya moruteto? Momunu? Pa eta ye? Tjimuna tji pa tjita otjikando otjitenga okumana uriri. Momunu, oweṭe imba, oviraisiro mavi ya.

Matu munu oviraisiro mavi ritjiukisa
vyOmeero wondaya Ye,
Tara, tara oviyao vyomukuyu mavi rire
ovingirine nai;
Ombuze Ombwa yOuhona ya vaza koviwaṅa
avihe;
Nu eṭe turi popezu, omaandero maye munikwa.
Nu nondjoroka, okuyenda, matu tjivisa
Ombuze yomeritjiukisiro wondaya Ye,

¹³⁵ Imbo otjiperi? Oo, “Tjivisa Ombuze yomeritjiukisiro wondaya Ye!” Imbyo mbi twa sere okutjita. Raera omundu auhe, “Rongereye, rongera okuhakaena na Ndjambi.” Amen! Ami mbe Mu suvera. Oo, Ami mbe Mu suvera vi. Nambano, ngatu kurame kozombaze zetu nai. Tjinga amatu korisasana, vaza apehe nu u yandje eke puna omundu rive, nu itja:

Nga tji twa hakaene!

Yandjasaneyeye omake, nai.

. . . nga tji twa hakaene!
Nga tji twa hakaenene pozombaze za Jesu;
Nga tji twa . . .

Zemburuka, mapeya okara nomaisaneno, omaongarero wetu yarwe maye karere pozombaze Ze.

Oo, Ndjambi nga kare puna eṅe nga tji twa hakaene rukwao!

¹³⁶ Nambano, ripura uriri, ngunda atu hiya hakaena rukwao; ngunda atu hiya hakaena Osondaha omuhuka omunene, poo Oritjatatu ongurova, mapeya a rire kutja . . . otjina otjitenga tji motjiwa, omundu worive wa zengi. Ingwi wa zengi, novo va i. Oo, okuripurira komurumendu woye ngwa zengi, poo omukazendu woye ngwa zengi, no—no omukazendu wa Johanes ngwa zengi, nu—nu—nu imba ovanatje va zengi. Avihe vya tjitwa (pa kara ye?), indino ove wa isiwa kongotwe!

O mape kara oruhoze nomuihamwatima,
Indu ovapandjare tji mave raerwa ohunga
nondjandero ya vo;

Va rira kotuuwa nozondundu, (Tjimuna
oIsrael, ama tji yaruka kotjihuro, okuyenda
kondembeli.)

Va kumba posiya ozongumbiro zavo kaze
ungurire. (Va humba Ombuze.)

¹³⁷ Oo, mbuti, ororo otjiti imbyo. Ngamwa atjihe tji motjiti, kurama nouvande mombatero yoye! Ii, mutengwa!

¹³⁸ Nambano, nga tji twa hakaene, matu tjiti imbi:

Twende nEna ra Muhona Jesu na ove,
Otja Oruvao okuza kondakamisiro aihe;
Indu amarorero tji ye ku kovere, (Ove u tjita
vi?)

hungira Ena indo Eyapuke mongumbiro.

Ena Ehuze, O omutjato vi!

Omaundjiro wehi nondjoroka yEyuru;

Ena Ehuze, O omutjato vi!

Omaundjiro wehi nondjoroka yEyuru.

¹³⁹ Ngatu pete oviuru vyetu nai, tjinga matu pose ombosiro:

pEna ra Jesu matu woro,

Matuu ondonya pozombaze Ze,

Ombara yozombara mEyuru . . . matu Mu zara
otjikorone,

Indu ouyenda wetu tji wa yanda. (Otji mape
kara, eyuva rorive.)

Oo Ena ehuze, (Ena Ehuze!) O omutjato vi!

Nga tji twa hakaene rukwao, Ndjambi nga kare puna eṅe.

Omaundjiro wehi nondjoroka yEyuru;

Ena Ehuze, O omutjato vi! (Omutjato vi!)

Omaundjiro wehi nondjoroka yEyuru. 🐦

63-0818 Oruveze rwOkuwana nOtjiraisiro
O maturira Womerikotameno poBranham
Jeffersonville, Indiana U.S.A

HERERO

©2026 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Ondjivisiro yOusemba wOkuhengurura

Kona ouyara auhe. Embo ndi ma riyenene okuherengururwa komahina yoponganda okungurisa omuini poo okuhavarisa pendje, otjari nokuhina otjisuta, otjo tjiungurisiwa okuhandjaurisa Omazuvarisiro ya Jesu Kristu. Embo ndi ka ri sere okurandisiwa, okupitisiwa motjivaro otjingi, okutuwa komirari vyotungovi, okutizira mozomahina, okutorokwa momaraka yarwe, poo okungurisiwa otjo tjisuta tjo ku riheka nokuhina omatjangwa wotjiraisiro tjomaningira ko Voice Of God Recordings.

Kondjivisiro onyingi poo koviungurisiwa vyarwe mbiripo, arikana hakaena:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org